



歷代名賢列女姓氏譜卷之八十

湘鄉

蕭智漢雲澤氏纂輯

男秉信明甫氏校

下平聲

七陽

黃氏

歷代名賢

明

黃景昉字太稱晉江人天啟五年進士由庶吉士歷官庶子直日講崇正十一年帝御經筵問用入之道景昉言近日考選不公推官成勇朱天麟廉能素著乃不得預清華選又言刑部尙書鄭三俊四朝元老至清無傷不當久繫獄退復上章論之三俊旋獲釋勇等亦俱改官景昉尋進少詹事嘗召對言近撤還監視中官高起潛關外輒聞警

氏姓譜

卷八十

七陽

黃氏

報疑此中有隱情臣家海濱見沿海將吏每遇調發卽報海警冀得復留觸類而推其情自見帝領之十四年以詹事兼掌翰林院時庶常停選已久景昉具疏請復又請名還修撰劉同升編修趙士春皆不報十五年六月召對稱旨與蔣德璟吳甦並相明年竝加太子少保改戶部尙書文淵閣南京操江故設文武二員帝欲裁去文臣專任誠意伯劉孔昭副都御史惠世揚遲久不至帝命削其籍景昉俱揭爭帝不悅遂連疏引歸唐王時召入直未幾復告歸國變後家居十數年始卒

黃道周

字幼平漳浦人天啟二年進士改庶吉士授編修

爲經筵展書官故事必膝行前道周獨否魏忠賢目攝之未幾內艱歸崇正二年起故官進右中允三疏救故相錢龍錫降調龍錫得減死五年正月方候補遘疾求去瀕行

上疏帝不懌尋又忤旨斥爲民九年用薦召復故官上疏曰陛下寬仁宏宥有任重寄至七八載罔效擁權自若者積漸以來國無是非朝無枉直中外臣工率苟且圖事誠可痛憤然其視聽一係於上上急催科則下急賄賂上樂鍤覈則下樂巉險上喜告訐則下喜誣陷當此南北交訌奈何與市井細民申勃谿之談修睚眦之隙乎時體仁方招奸人搆東林復社之獄故道周及之旋進右諭德掌司經局疏辭因言已有三罪四恥七不如三罪四恥以自責七不如者謂品行高峻卓絕倫表不如劉宗周至性奇情無愧純孝不如倪元璐湛深大慮遠見深計不如魏呈潤犯言敢諫清裁絕俗不如詹爾選吳執御志尙高雅博學多通不如華亭布衣陳繼儒龍溪舉人張燮至園土壘係之臣朴心純行不如李汝璨傳朝佑文章意氣坎坷磊落

氏姓譜

卷八十

七陽

黃氏

二

不如錢謙益鄭鄭方被杖母大詬帝得疏駭異責以顛倒是非道周又上疏復營護鄭帝怒嚴旨切責道周以文章風節高天下嚴冷方剛不諧流俗公卿多畏而忌之乃藉不如鄭語爲口實其冬擇東宮講官體仁已罷張至發當國擯道周不與其同官項煜楊廷麟不平上疏推讓道周至發言鄭杖母明旨煌煌道周自謂不如安可爲元良輔導道周遂移疾乞休不許十一年二月帝御經筵刑部尙書鄭三俊方下吏講官黃景昉救之帝未許而帝適追論舊講官姚希孟嘗請漕儲全折以爲非道周聽未審謂帝將寬三俊念希孟也因言故輔臣文震孟一生蹇直未蒙帷蓋恩天下士生如三俊歿如震孟希孟求其影似未可多得帝以所對失實責令回奏再奏再詰至三奏乃已凡道周所建白未嘗得一俞旨道周顧言不已六月廷推

閣臣道周已充日講官遷少詹事得與名帝不用用楊嗣昌等五大道周乃草三疏一劾嗣昌一劾陳新甲一劾遼撫方一藻同日上帝疑道周以不用怨望而縉紳勃谿語欲爲鄭鄭脫罪下吏部行譴嗣昌因上言鄭杖母禽獸不如今道周又不如鄭且其意徒欲庇凶徒飾前言之謬立心可知因自乞罷免帝優旨慰之七月五日召內閣及諸大臣於平臺並及道周帝與諸臣語所司事久之問道周曰凡無所爲而爲者謂之天理有所爲而爲者謂之人欲爾三疏適當廷推不用時果無所爲乎道周對曰臣三疏皆爲國家綱常自信無所爲帝曰先時何不言對曰先時猶可不言至簡用後不言更無當言之日帝曰清固美德但不可做物遂非且惟伯夷爲聖之清若小廉曲謹是廉非清也時道周所對不合指帝屢駁道周復進曰惟孝

氏姓譜

卷十

七陽

黃氏

三

弟之人始能經綸天下發育萬物不孝不弟者根本既無安有枝葉嗣昌出奏曰聞道周人品學術爲人宗師乃不如鄭鄭帝曰然朕正擬問之尋以奏對又不遜帝怒甚欲加以重罪憚其名高未敢決會劉同升趙士春亦劾嗣昌將予重譴而部檄道周譴顧輕嗣昌懼道周輕則論已者將無已時也亟購人劾道周者有刑部主事張若麒謀改兵部遂阿嗣昌意上疏劾道周帝卽傳諭廷臣毋爲道周劫持相朋黨凡數百言貶道周六秩爲江西按察司照磨而若麒果得兵部久之江西巡撫解學龍薦所部官推獎道周備至故事但下所司帝亦不覆閱而大學士魏照乘惡道周甚則擬旨責學龍濫薦帝遂發怒立削二人籍逮下刑部獄責以黨邪亂政並杖八十究黨與詞連多人並繫獄戶部主事葉廷秀監生涂仲吉救之亦繫獄尙書李

覽斯讞輕嚴旨切責再擬謫戍烟瘴帝猶以爲失出除覺
斯名移獄鎮撫司掠治乃還刑部獄逾年尙書劉澤深等
上言救之乃永成廣西十五年八月道周戍已經年一日
帝召五輔臣入文華後殿手一編從容問曰張溥張采何
如人也皆對曰讀書好學人也帝曰張溥已死張采小臣
科道何亟稱之對曰其胸中自有書科道官以其用未竟
而惜之帝曰亦不免偏時延儒自以嗣昌旣已前死矣而
已方再入相欲參用公議爲道周地也卽對曰張溥黃道
周皆未免偏徒以其善學故人人惜之帝默然德璟曰道
周前日蒙戍上恩寬大獨其家貧子幼其實可憫帝微笑
演曰事親亦極孝姓曰道周學無不通且極清苦帝不答
但微笑而已明日傳旨復故官道周在途疏謝稱學龍廷
秀賢旣還帝召見道周道周見帝而泣臣不自意今復得

氏姓譜

卷八

七陽

黃氏

四

見陛下臣故有犬馬之疾請假許之居久之福王監國用
道周吏部左侍郎道周不欲出馬士英諷之曰人望在公
公不起欲從史可法擁立潞王邪乃不得已趨朝陳進取
九策拜禮部尙書協理詹事府事而朝政日非大臣相繼
去國識者知其將亡矣明年三月遣祭告禹陵瀕行陳進
取策時不能用甫竣事南都亡見唐王聿鍵於衢州奉表
勸進王以道周爲武英殿大學士道周學行高王敬禮之
特甚賜宴鄭芝龍爵通侯位道周上衆議抑芝龍文武由
是不和一諸生上書誡道周迂不可居相位王知出芝龍
意下督學御史撻之當是時國勢衰政歸鄭氏大帥恃恩
觀望不肯一出闕募兵道周請自往江西圖恢復以七月
啟行所至遠近響應得義旅九千餘人由廣信出衢州十

二月進至婺源遇

大清兵戰敗被執至江寧幽別室中囚服著書臨刑過東華門坐不起曰此與高皇帝陵寢近可死矣監刑者從之幕下士中書賴雍蔡縉謹兵部主事趙士超等皆死道周學貫古今所至學者雲集銅山在孤島中有石室道周自幼坐卧其中故學者稱爲石齋先生精天文歷數皇極諸書所著易象正三易洞璣及太函經學者窮年不能通其說而道周用以推驗治亂沒後家人得其小冊自謂終於丙戌年六十二始信其能知來也

黃克纘

字紹夫晉江人萬歷八年進士除壽州知州入爲

刑部員外郎累官山東左布政使就遷右副都御史巡撫其地請停礦稅論劾稅使陳增馬堂他惠政甚著屢以平盜功加至兵部尙書四十年詔以故官參贊南京機務爲御史李若星魏雲中所劾還家候命居三年始履任四十

氏姓譜

卷八十

七陽 黃氏

五

四年冬隆德殿災上疏陳時政語極痛切不報名理京營戎政改刑部尙書預受兩朝顧命李選侍將移宮其內侍王永福姚進忠等八人坐盜乾清宮珠寶下吏克纘擬二人辟餘俱末減帝不從命辟六人餘遣戍克纘言姜昇鄭穩山劉尙理不持一物劉遜拾地上珠還之選侍而與永福進忠同戮輕重失倫况選侍篋中物安知非先朝所賜當是時諸璫罪重謀脫無自惟請帝厚待選侍則獄情自緩於是流言四布謂帝薄待先朝妃嬪而克纘首入其言帝不悅責克纘偏聽命如前旨已楊漣陳移宮始末帝卽宣諭廷臣備述選侍凌虐聖母狀且曰大小臣工惟私李黨責備朕躬克纘皇恐上言禮父母並尊事有出於念母之誠跡或涉於彰父之過必委曲周全渾然無跡斯爲大孝若謂黨庇李氏責備聖躬臣萬死不敢出御史焦源溥

力駁其持論之謬末言羣豎持貲百萬借安選侍爲名妄
希脫罪克纘墮其術而不覺克纘奏辨因乞罷疏入帝怒
甚責以輕肆無忌不諳忠孝克纘皇恐引罪大學士劉一
燝等亦代爲言乃已無何給事中董承業孫杰毛士龍御
史潘雲翼楊新期南京御史王允成並劾克纘是非舛謬
克纘不服言曩不舉李三才故爲諸人所惡源溥復劾克
纘借三才以傾言官克纘奏辨再乞休帝不問天啟元年
冬加太子太保尋復以兵部尙書協理戎政廷臣議紅丸
克纘述進藥始末力爲方從哲辨給事中薛文周詆其滅
倫常昵私交昧大義克纘憤援春秋不書隱公閔公之弑
力詆文周且白選侍無毆聖母事給事中沈惟炳助文周
復劾克纘先是帝宣諭百官明言選侍毆崩聖母及惟炳
疏上得旨選侍向有觸忤朕一時傳諭不無過激追念皇

氏姓譜

卷八十一

七陽

黃氏

六

考豈能忽然於是外議紛紜咸言前此上諭悉出王安矯
託而諸請安選侍者益得藉爲詞蓋是時王安已死魏忠
賢方竊柄故前後諭旨牴牾如此克纘歷官中外清疆有
執持議與爭三案者異攻擊紛紛起自是羣小排東林創要
典卒推克纘爲首功時東林方盛克纘移疾加大子太傅
乘傳歸四年十二月魏忠賢盡逐東林名克纘爲工部尙
書視事數月復移疾歸三殿成加大子太師崇正元年起
南京吏部尙書有劾之者不就卒於家

黃宗昌

字長倩卽墨人天啟二年進士崇正初爲御史請

斥矯旨僞官言先帝賓天在八月二十三日三殿叙功止
先一日正當帝疾大漸之時豈能安閒出詔凡加銜進秩
皆魏氏官也得旨汰叙功旨濫者宗昌爭曰臣所糾乃矯
旨非旨濫也旨濫猶可容矯僞不可貸遂列上黃克纘范

濟世霍維華郤輔忠呂純如等六十一人乞罷免帝以列
名多不聽尋劾罷逆黨尙書張我績侍郎呂圖南通政使
岳駿聲給事中潘士聞御史王珙又劾周延儒貪穢數事
帝怒停俸半年旣而劾體仁不納二年冬巡按湖廣岷王
禮洪爲校尉侍聖及善化王長子企鉅等所弑參政龔承
薦等不以實聞獄不決者久之宗昌至羣奸始伏辜帝責
問前諸臣失出罪宗昌糾承薦等時體仁延儒皆已入閣
而永光意思以爲不先劾承薦鑄宗昌四級宗昌遂歸十
五年卽墨被兵宗昌率鄉人拒守城全仲子基中流矢死
黃紹萬安人天啟五年進士授中書舍人崇正元年考
選給事中需次劾罷奄黨南京御史李時馨除復陽補授
兵科五年劄遼總督曹文衡與監視中官鄧希詔相訐紹
杰言文衡烈士受內臣指摘何顏立三軍上希詔內豎訐

氏姓譜

卷八十一

七陽

黃氏

七

邊臣辱國大不宜亟更文衡而罷希詔帝不聽久之文
衡以閒住去紹杰遷刑科左給事中七年五月因早求言
紹杰疏論大學士溫體仁曰漢世災異策免三公宰執亦
引罪以求罷今者久旱陛下修明政治納讜言可謂應天
以實矣而兩澤不降何哉天有所甚怒而不解也次輔溫
體仁者秉政數載上干天和無歲不旱曠無日不風霾無
處不盜賊無人不愁怨秉政旣久窺矚益工中外趨承益
巧一人當刑則曰體仁意未遠爾也一事當行則曰體仁
聞恐不樂也覆一疏建一議又曰慮體仁有他屬不然則
體仁忌諱毋櫻其兇鋒也凡此名變之尤願陛下罷體仁
以回天意體仁罷而甘霖不降殺臣以正欺君之罪帝方
眷體仁貶紹杰一秩體仁辨且訐其別有指授紹杰言廷
臣言事指及乘輿猶荷優容一字涉體仁必遭貶黜誰不

自愛爲人指授耶因列其罪狀東南不肯設立總督庇兵部侍郎彭汝楠致失機宜用貪穢胡鍾麟爲職方郎而黜李繼貞囑尙書閱洪學起私人唐世濟爲南京總憲銅正人瞿式耜等庇姻婭沈榮爲宣撫私款辱國庇主考丁進從寬磨勘且曰臣所仰祝聖明洞燭體仁奸欺者其說則有兩端下惟朋黨一語可以箝言官之口挑善類之禍上惟票擬一語可以激聖明之怒蓋偵悞之愆體仁猶辨且以朋黨爲言紹杰遂言體仁受銅商王誠金體仁長子受巡撫榮及兩淮巡撫高欽順等金皆萬計體仁用門幹王治東南之利皆其轉輸體仁私邸兩被盜失黃金寶玉無算匿不敢言帝怒調爲上林苑署丞遷行人司副八年賊犯皇陵紹杰再劾體仁悞國各寇再謫應天府檢校屢遷南京吏部郎中卒

氏姓譜

卷八十

七陽

黃氏

八

黃彬江夏人從歐普祥攻陷袁吉屬縣徐壽輝以普祥守袁州及陳友諒殺壽輝僭偽號彬言於普祥曰公與友諒比肩奈何下之友諒驕恣非江東敵也保境候東師當不失富貴普祥遂遣使納款友諒遣弟友仁攻之彬與普祥敗其衆獲友仁友諒懼約分界不相犯乃釋友仁時江楚諸郡皆爲陳氏有袁扼其要害潭岳贛兵不得出友諒勢大感太祖兵臨之遂棄江州彬力也太祖至龍興令普祥仍守袁州而以彬爲江西行省參政未幾普祥死彬領其衆普祥故殘暴彬盡反所爲民甚安之二十三年坐胡惟庸黨死爵除

黃魁不知何許人爲禮部侍郎有學行習典禮迪及侍郎黃觀皆愛敬之燕兵入不屈死

黃觀字伯瀾一字尙賓貴池人父贅許從許姓受學於元

待制黃昇昇死節觀益自勵洪武中貢入太學繪父母墓
爲圖瞻拜輒淚下二十四年會試廷試皆第一累官禮部
右侍郎乃奏復姓建文初更官制左右侍中次尙書改觀
右侍中與方孝孺等竝親用燕王舉兵觀草制諷其散軍
歸藩束身謝罪辭極詆斥四年奏召募兵上游且督諸郡
兵赴援至安慶燕王已渡江入京師下令暴左班文職奸
臣罪狀觀名在第六旣而索國寶不知所在或言已付觀
出敗兵矣命有司追捕收其妻翁氏並二女給象奴奴索
致劔市酒肴翁氏悉與之持去急攜二女及家屬十人投
淮清橋下死觀聞金川門不守歎曰吾妻有志節必死拈
魂塋之江上命舟至羅刹磯朝服東向拜投湍急處死觀
弟觀先匿其幼子逃他處或云觀妻畢氏孀居母家遺腹
生子故黃氏有後於貴池

氏姓譜

卷八

七陽 黃氏

九

黃鉞字叔楊常熟人少好學家有田在葛澤陂鉞父令督
耕其中鉞從友人家借書竊讀不廢縣舉賢良授宜章典
史建文元年舉湖廣鄉試明年賜進士授刑科給事中三
年丁父憂方孝孺弔之屏人問曰燕兵日南蘓常鎮江京
師左輔也君吳人朝廷近臣今雖去宜有以教我鉞曰三
府惟鎮江最要害守非其人是撤垣而納盜也指揮童俊
狡不可任奏事上前視遠而言浮心不可測也蘇州知府
姚善忠義激烈有國士風然仁有餘而禦下寬恐不足定
亂且國家大勢當守上游兵至江南禦之無及也孝孺乃
因鉞附書於善善得書與鉞相對哭誓死國鉞至家依父
殯以居燕兵至江上善受詔統兵勤王以書招鉞鉞知事
不濟辭以營葬畢乃赴旣而童俊果以鎮江降燕鉞聞國
變杜門不出明年以戶科左給事中召半途自投水溺死

黃宏清欵人官國子博士以名節自勵坐在梅殷軍中私
諡建文帝誅死

黃淮字宗豫永嘉人父性方國珍據温州避跡避僞命淮
舉洪武末進士授中書舍人成祖卽位名對稱旨命與解
縉常立御榻左備顧問或至夜分帝就寢猶賜坐榻前語
機密重務悉預聞旣而與縉等六人竝直文淵閣改翰林
編修進侍讀議立太子淮請立嫡以長太子立遷左庶子
兼侍讀永樂五年解縉黜淮進右春坊大學士明年與胡
廣金幼孜楊榮楊士奇同輔導太孫七年帝北巡命淮及
蹇義金忠楊士奇輔皇太子監國十一年再北巡仍留守
明年帝征瓦剌還太子遣使迎駕緩帝重入高煦譖悉徵
東宮官屬下詔獄淮及楊溥金問皆坐繫十年仁宗卽位
復官尋擢爲通政使兼武英殿大學士與楊榮金幼孜楊

氏姓譜

卷十

七陽

黃氏

十

士奇同掌內制丁母憂乞終制不許明年進少保戶部尙
書兼大學士如故仁宗崩太子在南京漢王及蕃異志中
外疑懼淮憂危嘔血宣德元年帝親征樂安命淮居守明
年以疾乞休許之父性年九十奉養甚歡及性卒賜葬祭
淮詣闕謝值燈時賜遊西苑詔乘肩輿登萬歲山命主會
試比辭歸餞之太液池帝爲長歌送之且曰朕生日卿其
復來明年入賀英宗立再入朝正統十四年六月卒年八
十三諡文簡淮性明果達於治體

黃福

字如錫昌邑人洪武中由太學生歷金吾前衛經歷

上書論國家大計太祖奇之超拜工部右侍郎建文時深
見倚任成祖列奸黨二十九人福與焉成祖入京師福迎
附李景隆指福爲黨福曰臣固應死但目爲黨則臣心
未服帝置不問復其官未幾拜工部尙書永樂三年陳瑛

効福不恤工匠改北京刑部尚書明年坐事逮下詔獄請
充爲事官已復職督安南軍餉安南旣平郡縣其地命福
以尚書掌布政按察二司事時遠方初定軍旅尙未息庶
務繁劇福隨事制宜咸有條理上疏言交趾賦稅輕重不
一請酌定務從輕省又請循瀘江北岸至欽州設衛所置
驛站以便往來開中積鹽使商賈輸粟以廣軍儲官吏俸
廩倉粟不足則給以公田又言廣西民饑運陸路艱險宜
令廣東海運二十萬石以給皆報可於是編氓籍定賦稅
興學校置官帥數召父老宣諭德意戒屬吏毋苛擾一切
鎮之以靜上下帖然時羣臣以細故請交趾者衆福咸加
拯恤甄其賢者與共事由是至者如歸鎮守中官馬騏帖
龍虐民福數裁抑之騏誣福有異志帝察其妄不問仁宗
卽位名還命兼詹事輔太子福在交趾凡十九年及還交

氏姓譜

卷十

七陽

黃氏

上

人扶攜走送號泣不忍別福還交趾賊遂劇訖不能靖仁
宗崩督獻陵工宣德元年馬騏激交趾復叛時陳洽以兵
部尚書代福累奏乞福還撫交趾會福奉使南京召赴闕
敕曰卿惠愛交人久交人思卿其爲朕再行仍以工部尚
書兼詹事領二司事比至柳升敗死福走還至雞陵關爲
賊所執欲自殺賊羅拜下泣曰公交民父母也公不去我
曹不至此力持之黎利聞之曰中國遣官吏治交趾使人
人如黃尚書我豈得反哉遣人馳往守護饋白金餼糧肩
輿送出境至龍州盡取所遺歸之官還爲行在工部尚書
四年與平江伯董漕事議令江西湖廣浙江及汀南北諸
郡民量地遠近轉粟於淮徐臨清而令軍士接運至北京
民大稱便七年帝於宮中覽福漕事便宜疏出以示楊士
奇曰福言智慮深遠六卿中誰倫比者對曰福受知太祖

正直明果一志國家永樂初建北京行部緩輯凋瘵及使
交趾總藩憲具有成績誠六卿所不及福年七十矣諸後
進少年高坐公堂理政事福四朝舊人乃朝暮奔走勞悴
殊非國家優老敬賢之道帝曰非汝不聞此言士奇又曰
南京根本重地先帝以儲官監國福老成忠直緩急可倚
帝曰然明日改福官南京明年兼掌南京兵部英宗卽位
加少保參贊北京守備襄城伯李隆機務留都文臣參機
務自福始隆用福言政肅民安正統五年正月卒年七十
入福丰儀修整不妄言笑歷事六朝多所建白公正廉恕
素孚於人當官不爲赫赫名事微細無不謹憂國忘家老
而彌篤自奉甚約妻子僅給衣食所得俸祿惟待賓客周
匱乏而已成化初贈太保謚忠宣

黃錫字叔高侯官人正統十二年以進士試事都察院未
氏姓譜

卷八十

七陽

黃氏

五

平歲以明習法律授御史十四年按貴州羣苗盡叛道梗
塞靖遠伯王驥等自麓川還軍無紀律苗襲其後官軍大
敗鎬赴平越遇賊幾死夜跳入城賊圍之議者欲棄城走
鎬曰平越貴州咽喉無平越是無貴州也乃偕諸將固守
置密疏竹筒中募土人間行乞援於朝且劾驥等覆師狀
景帝命保定伯梁瑄等合川枕軍救之圍始解城被困已
九年掠草根煮弩鎧而食之死者相枕籍城卒全鎬功居
多久之遷廣東僉事改浙江成化初以大臣會薦擢廣東
左參政高雷廉負海多盜鎬討平之再遷廣西左布政使
以右副都御史總督南京糧儲歷吏部左右侍郎十六年
拜南京戶部尙書鎬有才識敏吏事理益政多所釐剔時
論稱之十九年致仕道卒贈太子少保謚襄敏

黃宗一名屋字厚夫豐城人洪武三十年進士授行人

奉使四方未嘗受餽遺累遷司正永樂初以薦爲湖廣按察司僉事巨奸宿猾多謫戍銅鼓五開間陰持官吏短長宗載榜數其罪曰不改必寘之法衆莫敢犯武陵多戎籍民家慮與爲婚姻徭賦將累已男女至年四十尙不婚宗載以理論之皆解悟一時婚者三百餘家鄰邑效之其俗遂變徵詣文淵閣修永樂大典書成受賜還任董造海運巨艦數十艘事辦而民不擾尋起御史出按交趾及歸行李蕭然不攜交趾一物尙書黃福語人曰吾居此久所接御史多矣惟宗載知大體丁祖母憂起復改詹事府丞洪熙元年擢行在吏部侍郎少師蹇義領部事宗載一輔以正宣德元年奉命清軍浙江三年督採木湖湘英宗初以侍郎羅汝敬巡撫陝西坐事戴罪辦事汝敬妄引詔書復職而吏部不言爲御史所劾宗載及尙書郭璉俱下獄未

氏姓譜

卷六十

七陽

黃氏

七

幾得釋遷南京吏部尙書居九年乞休章四上乃許九年七月卒於家年七十九宗載持廉守正不矯不隨學問文章俱負時望公卿大夫齒德之盛推宗載云

黃孔昭黃巖人初名躍後以字行改字世顯年十四遭父

母喪哀毀骨立舉天順四年進士授屯田主事奉使江南郤餽弗受進都水員外郎成化五年文選郎中陳雲等爲吏所許盡下獄貶官尙書姚夔知孔昭廉調之文選九年進郎中故事選郎率閉門謝客孔昭曰國家用才猶富家積粟不素積豈足贍飢才不預儲安能濟用苟以深居絕客爲高何由知天下才俊公退遇客至輒延見訪以人才書之於冊除官以其才高下卹地繁簡由是銓叙平允其以私干者悉拒之嘗與尙書尹旻爭至推案盛怒孔昭世立俟其怒止復言之旻亦信其諒直旻欲推故人爲巡撫

孔昭不應其人入都謁孔昭至屈膝孔昭益鄙之是令推舉孔昭曰彼所少者大臣體耳爰謂其人曰黃君不離銓曹汝不能遷也爲郎中滿九載始擢右通政久之遷南京工部右侍郎有官地十餘區爲勢家所侵奏復之奉詔薦舉方面以知府樊瑩僉事章懋應後皆爲名臣郎官主藏者以羨銀數千進斥退之掘地得古鼎急命工鑄文廟二字送之廟中俄中貴欲獻諸朝見鑄字而止孔昭嗜學敦行與陳選林鶻謝鐸友善並爲士類所宗宏治四年卒嘉靖中贈禮部尚書諡文毅

黃潤玉字孟清勤人五歲侍母疾夜不就寢十歲道見遺金不拾永樂初徙南方富民實北京潤玉請代父行官少之對曰父去日益老兒去日長官異其言許之十八年舉順天鄉試授建昌府學訓導父喪除改官南昌宣德中用

氏姓譜

卷八

七陽

黃氏

七

薦擢交趾道御史出按湖廣斥兩司以下不職者至百有二十人正統初詔推舉提學官以楊士奇薦擢廣西僉事提督學政時寇起軍興有都指揮妄掠子女萬餘口潤玉劾而歸之副使李立人民死罪至數百人亦爲辨釋南丹衛處萬山中戍卒冒瘴多死爲奏徙夷曠地毋憂歸起官湖廣論罷巡撫李實親故二人實憤奏潤玉不諳刑律坐謫含山知縣以年老歸歸二十年年八十有九卒學者稱爲南山先生

黃驥

全州人洪武中中鄉舉爲沙縣教諭永樂時擢禮科

給事中常三使西域仁宗初上疏言西域貢使多商人假託無賴小人投爲從者乘傳役人運貢物至京師賞賚優厚番人慕利貢無虛月致民失業妨農比其使還多齎貨物車運至百餘輛丁男不足役及婦女所至辱驛官鞭夫

隸無敢與較者乞敕陝西行都司惟哈密諸國王遣使入
貢者許令來京止正副使得乘驛馬陝人庶少避至西域
所產惟馬切邊需應就給甘肅軍士其礪砂梧桐鐵之類
皆無益國用請一切勿受則來者自稀浮費益省帝以示
尚書呂震且讓之曰驥常奉使悉西事卿西人顧不悉邪
驥言是其卽議行後遷右通政與李琦羅汝敬撫諭交趾
不辱命使還尋卒

黃澤 閩縣人永樂十年進士擢河南左參政南陽多流民
拊循使復業嘗率丁役至北京周恤備至久之調湖廣仁
宗卽位入覲言時政多見采宣宗立下詔求言澤上疏言
正心恤民敬天納諫練兵重農止貢獻明賞罰遠嬖倖汰
冗官十事帝雖嘉歎不能用也其後設內書堂而中人多
通書曉文義宦寺之盛自宣宗始宣德三年擢浙江布政

氏姓譜

卷十

七陽

黃氏

七

使復上言平陽麗水等七縣銀冶宜罷並請盡罷諸坑冶
語甚切帝歎息曰民困若此朕何由知遣官驗視酌議以
聞澤在官有政績然多暴怒益運使丁鑑不避道撻之爲
所奏巡按御史馬謹亦劾澤九載秩滿自出行縣斂白金
三千兩償官物且越境過家遂逮下獄正統六年黜爲民
初澤奏金華台州戶口較洪武時耗減而歲造弓箭如舊
乞減免下部議得允而澤已罷官踰月矣

黃仲昭 名潛以字行莆田人祖壽生翰林檢討有學行父
嘉東鹿知縣以善政聞仲昭性端謹年十五六卽有志正
學登成化二年進士改庶吉士授編修與章懋莊景同以
直諫杖謫湘潭知縣在道用諫官言改南京大理評事兩
京諸司隸率放還而取其月錢爲故事惟仲昭與羅倫
不取御史縱子弟取賂刑部曲爲地仲昭駁正之有羣僚

民婦轉鬻者郤坐首惡一人仲昭請皆坐連遭父母喪不離苦塊者四年服除以親不逮養遂不出宏治改元御史江洪疏薦吏部尙書王恕檄有司敦趣比至恕迂之大門外揖讓升堂相向再拜世兩高之除江西提學僉事誨士以正學久之再疏乞休日事著述學者稱爲未軒先生卒年七十四

黃紱字用章其先封邱人曾祖徙平越遂家焉紱登正統十三年進士除行人歷南京刑部郎中剛廉人目之日硬黃大猾譚千戶者占民蘆場莫敢問紱奪還之民成化九年遷四川左參議久之進左參政按部崇慶旋風起輿前不得行紱曰此必有寃吾當爲理風遂散至州禱城隍神夢若有言州西寺者寺去州四十里倚山爲巢後臨巨塘僧夜殺人沉之塘下分其貲且多藏婦女於窟中紱發吏

氏姓譜

卷八十

七陽

黃氏

夫

兵圍之窮詰得其狀誅僧毀其寺倉吏倚皇親乾沒官糧巨萬紱追論如法威行部中歷四川湖廣左右布政使奏閉建昌銀礦兩京工興湖廣當輸銀二萬例徵之民紱以庫羨充之荆王奏徙先壘紱恐爲民擾執不可二十二年擢右副都御史巡撫延緩劾參將郭鏞都指揮鄭印李鐸王琮等抵罪討捕奸豪張綱申軍令增置墩堡邊政一新出見士卒妻衣不蔽體歎曰健兒家貧至是何面目臨其上亟豫給三月餉親爲拊循會有詔毀庵寺紱因盡汰諸尼以給壯士無妻者及紱去多攜子女拜送於道宏治三年拜南京戶部尙書言官以紱進頗驟頗有言帝不聽就改左都御史焚差歷簿於庭曰事貴得人耳資勞久近豈立官意哉紱歷官四十餘年性卞急不能容物然操履潔白所至有建樹六年乞休未行卒

黃珂字鳴玉遂寧人成化二十年進士授龍陽知縣治行聞擢御史出按貴州金達長官何論謀不軌計擒之改設流官賊婦米魯亂奏劾巡撫錢鉞總兵官焦俊等皆得罪改按畿輔歷山西按察使正德四年擢右僉都御史巡撫延綏安化玉寘鐸反傳檄四方用討劉瑾爲名他鎮畏瑾不敢以聞珂封上其檄因陳便宜入事而急令副總兵侯勛參將時源分兵扼河東賊遂不敢出亦不刺寇邊珂偕總兵官馬昂督軍戰敗之木瓜山六年復寇邊珂檄副總兵王勛等七將分據要害夾擊復敗之屢賜璽書銀幣是年秋入爲戶部右侍郎總督倉場河南用兵出理軍餉主客兵十餘萬追奔轉戰遷止無常珂隨方轉輸軍興無乏錄功增俸一級改刑部進左侍郎已改佐兵部寧王宸濠謀復護衛珂執議獨堅九年擢南京右都御史尋就拜工

氏姓譜

卷二十

七陽

黃氏

七

部尙書以年至乞休歸卒贈太子少保諡簡肅

黃鞏字仲固莆田人宏治十八年進士正德中由德安推官入爲刑部主事掌諸司奏牘歷職方武選郎中十四年三月有詔南巡鞏上疏極陳時弊員外郎陸震草疏將諫見鞏疏稱歎因毀已稿與鞏連署以進帝怒甚下二人詔獄復跪午門衆謂天子且出鞏曰天子出吾當牽裾死之跪五日期滿仍繫獄越二十餘日廷杖五十斥爲民江彬使人沿途刺鞏有治洪主事知而匿之間行得脫旣歸潛心著述或米盡日中未爨晏如也嘗歎曰人生至公卿富貴矣然不過三四年惟立身行道千載不朽世人顧往往以此易彼何也世宗立名爲南京大理丞疏請稽古正學敬天勤民取則堯舜保全君子辨別小人明年入賀率於京師行人張岳訟其直節贈大理少卿賜祭塋天啟初

追諡忠裕

黃宗明字誠甫，鄞人。正德九年進士。除南京兵部主事。進員外郎。嘗從王守仁論學。寧王宸濠反，上江防三策。武宗南征，抗疏諫。尋請告歸。嘉靖二年起南京刑部郎中。張璁、桂萼爭大禮，自南京召入都，未上。三年四月，璁、萼、黃綰及宗明聯疏奏曰：今日尊崇之議，以陛下與爲人後者禮官附和之私也。以陛下爲人繼大統者，臣等考經之論也。人之言曰：兩儀相持有大小衆寡不敵之勢。臣等則曰：惟理而已。大哉舜之爲君，視天下悅而歸，已猶草芥也。惟不順於父母如窮人無所歸。今言者徇私植黨，奪天子之父母而不顧在陛下，可一日安其位而不之圖乎？此聖諭令廷臣集議，終日相視莫敢先發者，勢有所壓，理有所屈，故也。臣等大懼欺蔽，因循終不能贊成大孝。陛下何不親御朝

氏姓譜

卷六

七陽

黃氏

六

堂進百官而詢之曰：朕以憲宗皇帝之孫，孝宗皇帝之姪，興獻帝之子，遵太祖兄終弟及之文，奉武宗倫序當立之詔，入承大統，非與爲人後者也。前者未及詳稽遠詔，天下尊孝宗皇帝爲皇考，昭聖太后爲聖母，而興獻帝后別加本生之稱，朕深用悔艾。今當明父子大倫，繼統大義，改稱孝宗爲皇伯考，昭聖爲皇伯母，而去本生之稱，爲皇考恭穆獻皇帝，聖母章聖皇太后。此萬世通禮。爾文武廷臣尚念父子之親，君臣之義，與朕共明大倫於天下。如此在朝百工有不感泣而奉詔者乎？更以此告於天下萬姓，其有不感泣而奉詔者乎？此卽周禮詢羣臣詢萬民之意也。奏入，帝大悅。卒如其言。宗明亦遂蒙帝眷。明年出爲吉安知府。遷福建鹽運使。六年，召修明倫大典，以母憂歸。服闋，徵拜光祿卿。十一年，擢兵部右侍郎。其冬，編修楊名以劾汪

鉉下詔獄詞連同官程文德亦坐繫詔書責主謀者益急宗明抗疏救之帝大怒謂宗明卽其主使並下詔獄謫福建右參政帝終念宗明議禮功明年名拜禮部右侍郎尋轉左侍郎卒於官初議禮諸臣恃帝恩眷驅駕氣勢恣行胸臆宗明雖由是驟顯持論頗平於諸人中獨無畏惡之者

黃應甲不知何許人隆慶中以潯梧左參將從俞大猷討平韋銀豹進秩二等萬歷五年屢遷浙江總兵官改鎮廣東龍川鮑時秀者妻杜氏有妖術據義都嶺立二十四方大總自號無敵峒王旣降復反應甲討平之蠻戶蘇觀陞周才雄招亡命數千人縱掠雷廉間殺斷州千戶田治應甲率五軍並進生禽觀聖才雄斬首四百餘級其黨縛酋長陳泉以降未幾梁本豪亂本豪故會一本黨亦彘戶

氏姓譜

卷六

七陽

黃氏

七

也一本誅窟海中習水戰遠通西洋且結倭兵爲助殺千戶掠通判以去年六月總督陳瑞與應甲謀分水軍二南駐老萬山備倭東駐虎門備蠻別以兩軍備外海兩軍扼要害水軍沈壘舟二十生禽本豪諸軍競進大破之石茅洲賊復奔潭洲沙灣聚舟二百及倭舟十相犄角諸將合追先後俘斬千六百有奇沉其舟二百餘撫降者二千五百帝告郊廟大行敘賚應甲等進秩有差他倭寇瓊崖應甲斬首二百餘奪其舟再賜金旋入僉左軍府罷歸卒

黃鳳翔字鳴周晉江人隆慶二年進士及第授編修教習內書堂輯前史宦官行事可爲鑒戒者令誦習之世宗實錄成進修撰萬歷五年張居正奪情杖諸諫者鳳翔不平誦言於朝編纂章奏盡載諸諫疏及居正二子會試示意鳳翔峻却之當主南畿試以王篆欲私其子復謝不往屢

遷南京國子祭酒省母歸起補北監時方較刻十三經註疏鳳翔言頃陛下去貞觀政要進講禮經甚善陛下讀曾子論孝曰敬父母遺體則當思珍護聖躬誦學記言學然後知不足則當思緝熙聖學察月令篇以四時敷政法天行健則可見聖治之當勤勵釋世子篇陳保傅之教齒學之儀則可見皇儲之當早建豫教疏入報聞尋擢禮部右侍郎洮河告警抗疏言多事之秋陛下宜屏游宴親政事以實圖安攘爲今大計惟用人理財二端而已帝不能用延臣爭建儲久未得命帝諭閣臣以明春舉行大學士王家屏出語禮部鳳翔與尙書于慎行左侍郎李長春以冊立儀上帝怒俱奪俸意復變鳳翔又疏爭不報遂請告去二十年禮部左侍郎韓世能去張一桂未任而卒復起鳳翔代之爭改吏部拜南京禮部尙書以養親歸再起故官

氏姓譜

卷六

七陽

黃氏

字

力以親老辭久之母卒遂不出卒於家天啟初諡文簡

黃正賓歙人以貲爲舍人直武英殿恥由貲入官思樹奇

節至是遂見推清議後李三才顧憲成咸與遊益有聲士

大夫間熹宗立起故官再遷尙寶少卿引病歸魏忠賢下

汪文言獄詞連正賓坐贓千金遣戍大同莊烈帝嗣位復

官致仕崇正元年六月魏黨徐大化楊維垣已罷官猶潛

居輦下交通奄寺正賓在都抗疏發其奸勒兩人歸田里

都人快之

黃尊素字真長餘姚人萬歷四十四年進士除寧國推官

精敏彊執天啟二年擢御史謁假歸明年冬還朝疏請名

還余懋衡曹於汴劉宗周周洪謨王紀鄒元標馮從吾而

劾尙書趙秉忠侍郎牛應元通政丁啟睿頑鈍秉忠應元

俱引去山東妖賊既平餘黨復煽巡撫王惟儉不能撫馭

尊素疏論之因言巡撫本內外兼用今盡用京卿不若歛歷外服者之練習又數陳邊事力詆大將馬世龍忤樞輔孫承宗意時帝在位數年未嘗一名見大臣尊素請復便殿名對故事面決大政否則講筵之暇令大臣面商可否帝不能用四年二月大風揚沙晝晦天鼓鳴如是者十日三月朔京師地震三乾清宮尤甚適帝體違和人情惶懼尊素力陳時政十失疏入魏忠賢大怒謀廷杖之韓爌力救乃奪俸一年旣而楊漣劾忠賢被旨譙讓尊素憤抗疏繼之忠賢得疏愈恨萬燦旣廷杖又欲杖御史林汝翥諸言官詣閣爭之小璫數百人擁入閣中攘臂肆罵諸閣臣俯首不敢語尊素厲聲曰內閣絲綸地卽司禮非奉詔不敢至若輩無禮至此乃稍稍散去無何燦以劄重卒尊素上言律例非叛逆十惡無死法今以披肝瀝胆之忠臣竟

氏姓譜

卷八

七陽

黃氏

三

殞於磨牙礪齒之凶豎此輩必欣欣相告吾儕借天子威柄可鞭笞百僚後世有秉董狐筆繼朱子綱目者書曰某月某日郎中萬燦以言事廷杖死豈不上累聖德哉燦今已矣辱士殺士漸不可開乞復故官破格賜卹俾遺孤得扶藪還鄉燦死且不朽疏入益忤忠賢意八月河南進玉璽忠賢欲侈其事命由大明門進行受璽禮百僚表賀尊素上言昔宋哲宗得璽蔡確等競言祥瑞改年元符宋祚卒不競本朝宏治時陝西獻玉璽止令取進給賞五金此祖宗故事宜從事獲中止五年春遣視陝西茶馬甫出都逆黨曹欽程劾其專擊善類助高攀龍魏大中虐餓遂削籍尊素譽謬敢言尤有深識遠慮初入臺鄒元標實援之卽進規曰都門非講學地徐文貞已叢議於前矣元標不能用楊漣將擊忠賢魏大中以告尊素曰除君側者必有

丙援楊公有之乎一不中吾儕無噍類矣萬燬死尊素諷
漣去漣不從卒及於禍大中將勃魏廣徵尊素曰廣徵小
人之包羞者也攻之急則挺而走險矣大中不從廣徵益
合於忠賢以興大難是時東林盈朝自以鄉里分朋黨江
西章允儒陳良訓與大中有隙而大中欲駁尙書南師仲
恤典秦人亦多不悅尊素急言於大中止之最後山西尹
同臯潘雲翼欲用其座主郭尙友爲山西巡撫大中以尙
友數問遣朝貴執不可尊素引杜征南數遺洛中貴要爲
言大中卒不可議用謝應祥難端遂作汪文言初下獄忠
賢卽欲羅織諸人已知爲尊素所解恨甚其黨亦以尊素
多智慮欲殺之會吳中訛言尊素欲殺楊一清誅劉瑾用
李實爲張永授以秘計忠賢大懼遣刺事者至吳中凡四
輩侍郎烏程沈演家居奏記忠賢曰事有迹矣於是日遣

氏姓譜

卷八

七陽

黃氏

三

使譙訶實取其空印白疏入尊素等七人姓名遂被逮使
者至蘇州適城中擊殺逮周順昌旂尉其城外人並擊逮
尊素者逮者失駕帖不敢至尊素聞卽囚服詣吏自投詣
獄許顯純崔應元榜掠備至勒索二千八百五日一追比
已知獄卒將害已叩首謝君父賦詩一章遂死時六年閏
六月朔日也年四十三崇正初贈太僕卿任一子福王時
追諡忠端

黃士俊順德人萬歷三十五年殿試第一授修撰歷官禮
部尙書崇正九年入閣累加少傅予告歸父母俱在堂錦
衣侍養人以爲榮唐王以原官召未赴後相永明王毫不
能決事數爲臺省論列辭歸而卒

黃山高安人成化末進士授行人屢奉使不以毫髮自污
尋擢監察御史巡按浙江翦宿弊懲奸貪雖親故無所假

借風采動一時陞廣東按察僉事

龍 弋陽人正統間進士授御史歷西蜀直隸諸郡書考得宜振勵有方罷有真御史之稱陞四川廣東按察使

龍 遼東人初以小校從復錦州積功至參將崇正三年從大軍復灤州功第一遷副總兵尋論功進秩三等爲都督僉事世蔭副千戶登萊巡撫孫元化以劉興治亂東江請龍往鎮兵部尙書梁廷棟亦薦龍爲總兵官與元化恢復四衛從之先是毛文龍死袁崇煥分其兵二萬八千爲四協命副將陳繼盛參將劉興治毛承祚徐敷奏主之後改爲兩協繼盛領東協興治攝西協興治凶狡好亂與繼盛不相能其兄參將興祚陣亡繼盛謀聽謀報謂未死興治憤擇日爲興祚治喪諸將咸弔繼盛至伏兵執之並執理餉經歷楊應鶴等十一人袖出一書宣於衆詭言此繼

氏姓譜

卷八

七陽

黃氏

三

盛誣興祚詐死及以謀叛誣陷已者遂殺繼盛及應鶴等又僞爲島中商民奏一通請優卹興祚而令興治鎮東江舉朝大駭以海外未遑詰也興治與諸弟兄放舟長山島大肆殺掠島去登州四十里時登萊總兵官張可大赴援永平帝用廷棟言趣可大還登州授副將周文郁大將邱令撫定興治會永平已復興治稍戢返東江龍莅皮島受事興治猶桀驁如故四年三月復作亂杖其弟興基殺參將沈世魁家衆世魁率其黨夜襲殺興治亂乃定遊擊耿仲明之黨李梅者通洋事覺龍繫之獄仲明弟都司仲裕在龍軍謀作亂十月率部卒假索餉名圍龍署擁至演武場折股去耳鼻將殺之諸將爲救免未幾龍捕斬仲裕疏請正仲明罪會元化劾龍尅餉致兵諱帝命充爲事官而叢仲明主使狀仲明遂偕孔有德反以五年正月陷登州

招島中諸將旅順副將陳有時廣鹿島副將毛承祿皆往從之龍急遣尙可喜金聲桓等撫定諸島而躬巡其地慰商民誅叛黨縱火焚其舟賊黨高成友者據旅順斷闕寧天津援師龍令遊擊李維鸞偕可喜等擊走之卽移駐其地援始通其冬有德等欲棄登州走入海龍遣副將龔正祥率舟師四千邀之廟島颶風破舟正祥陷賊中後居登州謀爲內應事露被殺初龍駐旅順大治兵賊拘龍母妻及子以脇之龍不顧六年二月有德仲明屢爲巡撫朱大典所敗航海遁去龍度有德等必遁遁必經旅順邀擊之有德幾獲而逸斬賊魁李九成子應元生禽毛承祿蘇有功陳光福及其黨高志祥等十六人獲首級一千有奇奪還婦女無算獻俘於朝帝大喜磔承祿等傳首九邊復龍官承祿文龍族家子有德等大憤欲報龍會賊舟泊鴨綠

氏姓譜

卷八

七陽

黃氏

三

江龍盡發水師勦之七月有德等偵知旅順空虛遂引大清兵來襲龍數戰皆敗火藥矢石俱盡語部將譚應華曰敵衆我寡今夕城必破若速持吾印送登州不能赴卽投諸海可也應華出龍率惟鸞等力戰圍急知不能脫自劉死事聞贈龍左都督賜祭葬予世廕建祠曰顯忠

黃華秀南安人由進士爲韶州司理精明以輔其仁果斷以行其恕雪殺姑之寃釋代兄之囚辨代塚之詭韶人至今稱之擢南御史

黃端伯字元公建昌新城人崇正元年進士歷寧波杭州二府推官行取赴都母憂歸服闋入都疏陳益王居建昌不法狀王亦劾端伯離間親藩及出妻酗酒諸事有詔候勒避居廬山福王立大學士姜曰廣薦起之明年三月授儀制主事五月南都被百官皆迎降端伯不出捕繫之閱

四月諭之降不從卒就戮

黃大鵬字文若建陽人崇正十三年進士爲義烏知縣有能聲唐王名爲兵科給事中從至建寧令與鄭爲虹共守仙霞嶺竟同死

黃佐字才伯香山人祖瑜長樂知縣以學行聞正德中佐舉鄉試第一世宗嗣位始成進士選庶吉士嘉靖初授編修陳初政要務又請修舉新政疏皆留中尋省親歸便道謁王守仁與論知行合一之旨數相辨難守仁亦稱其直諫還朝會出諸翰林爲外僚除江西僉事旋改督廣西學校聞母病引疾乞休不俟報竟去下巡撫陳富逮問富言佐誠有罪第爲親受過於情可原乃命致仕家居九年簡宮僚命以編修兼司諫尋進侍讀掌南京翰林院名爲右諭德擢南京國子祭酒母憂除服起少詹事謁大學士夏氏姓譜

卷八十

七陽

黃氏

三

言與論河套事不合會吏部缺左侍郎所司推禮部右侍郎崔桐及佐給事中徐需御史艾朴言桐與左侍郎許成名競進至相詬詈而佐及同官王用賓亦爭覲望惟恐或先之宜皆止勿用言從中主之遂皆賜罷佐學以程朱爲宗惟理氣之說獨持一論平生撰述至二百六十餘卷所著樂典自謂洩造化之秘年七十七卒穆宗詔贈禮部右侍郎諡文裕佐弟子多以行業自飭而梁有譽歐大任黎民表詩名最著云

黃輝

字平倩一字昭素南充人幼穎異父子元官湖廣御

史屬訊疑獄輝檢律如老吏御史聞而異之命負以至授錢穀集一覽輒記稍長博極羣書年十五舉鄉試第一久之成進士改庶吉士館課文字多沿襲熟爛目爲翰林體及李攀龍王世貞之學行則又改而從之輝刻意學古一

以歐韓爲師館閣文稍變時同館中詩文推陶望齡書畫
推董其昌輝詩及書與齊名至徵事輝十得入九焦竑以
閣雅名亦自遜不如也由編修遷右中允充皇長子講官
時帝寵鄭貴妃疎皇后長子長子生母王恭妃幾殆輝從
內豎徵知其狀謂同里給事中王德完曰此國家大事旦
夕不測書之史冊謂朝廷無人吾輩爲萬世僂矣德完奮
然屬輝具草上之下獄廷杖瀕死輝周旋橐籥不避險阻
人或危之輝曰吾陷人於禍可坐視乎輝雅好禪學多方
外交爲言者所論時已爲庶子掌司經局遂請告歸已起
故官擢少詹事兼侍讀學士卒於官

黃綱

字季侯光州人天啟二年進士崇正中以淮海兵備

副使憂歸流賊陷州城綱方廬墓山中子彞如死於賊其
妹亦被難服除起臨澧兵備副使調番兵大破李自成潼
氏姓譜

卷十

七陽

黃氏

吳

關原尋以右參政分守洮岷擢陝西按察使自成勸之降
叱曰潼關之役汝我戮餘也今日肯降汝耶妻王氏赴井
綱得間亦赴井皆死贈太常卿諡忠烈

黃宏

字德裕鄞人宏治十五年進士知萬安縣民好訟訟

輒禱於神宏毀其祠曰令在何禱也訟者至輒片言折之
累遷江西左參議按湖西嶺北二道王守仁討橫水桶岡
賊宏主餉有功賊閔念四旣降復恃宸濠勢剽九江上下
宏發兵捕之走匿宸濠祖墓中盡得其輜重以歸宸濠逆
節益露士大夫以爲憂宏正色曰國家不幸有此我輩守
土死而已有持大義不從宸濠黨者宏每陰左右之宸濠
反宏被執憤怒以手楷向柱擊項是夕卒賊義而棺斂之
子紹文奔赴求得其棺以僞命治斂非父志亟易之扶歸

黃釗

字珍夫安溪人由舉人歷官溫州同知嘉靖三十四

年倭入犯劔擊走之知倭必復來日夜爲備三年倭果大至劔出城逆擊分軍爲三劔將中軍其二軍帥皆統袴子約左右應援及與倭遇倭遣衆分掩二軍而以銳卒當中軍劔發勁弩巨礮戰良久倭方不支二軍帥望敵而潰倭合兵擊劔劔腹背受敵遂被執脅之降不屈責以金贖劔笑且罵曰爾不知黃大夫不愛錢耶倭怒裸而寸斬之子購屍不獲具衣冠葬事聞贈浙江參議官一子有司建祠

黃世清

字澄海滕縣人父中色吏部員外郎世清登崇正

七年進士除戶部主事權潯墅闕有清操歷員外郎屢遷右參議分守商雒駐商州城屢遭兵四野蕭然民皆入保城中而客兵所過淫掠民苦甚於賊世清下令兵不得闌入城未幾關中兵經其地有二卒樞門榜以狗督撫發兵誠毋犯黃參議令李自成躡荆襄遠近震動世清一子

氏姓譜

卷八

七陽

黃氏

七

方幼屬友人養之誓身殉十六年十月自成敗孫傳廷軍長驅入關遣右營十萬人從南陽犯商州世清憑城守有奸民投賊至城下說降世清佯與語發礮斃之懸首城上曰懷二心者視此士民皆効死礮矢盡繼以石石盡婦人掘街砌繼之城陷世清坐堂上麾其僕朱化鳳去化鳳願同死賊牽世清下化鳳叱曰奴才不得無禮賊批其頰化鳳聲色愈厲執至賊帥袁宗第營世清植立賊欲屈之化鳳曰吾主堂堂憲司肯拜賊耶賊先殺之授世清以防禦札罵不受與一家十三人皆遇害贈光祿卿

黃璽

字廷璽餘姚人兄伯震商十年不歸璽出求之經行

萬里不得踪跡最後至衡州禱南岳廟夢神人授以纏綿盜賊際狼狽江漢行二句一書生告之曰此杜甫春陵行詩也春陵今道州曷往尋之璽從其言既至無所遇一日

入廁置傘道旁伯震適過之曰此吾鄉之傘也循其柄而觀見有餘姚黃廷聖記六字方疑駭聖出問訊其兄也遂奉以歸

黃得功號虎山開原衛人其先自合肥徙早孤與母徐居少負奇氣膽畧過人年十二母釀酒熟竊飲至盡母責之笑曰償易耳時遼事急得功持刀雜行伍中出斬首二級中賞率得白金五十兩歸奉母曰兒以償酒也由是隸經畧爲親軍累功至游擊崇正九年遷副總兵分管京衛營十一年以禁軍從總督熊文燦擊賊於舞陽麇光固間最八月又從擊賊馬光玉於浙川之吳村王家寨大破之詔加太子太師署總兵銜十三年從太監盧九德破賊於板石阪賊草裏眼等五營降十四年以總兵與王憲分護鳳陽泗州陵得功駐定遠張獻忠攻桐城挾營將廖應登至

氏姓譜

卷八

七陽

黃氏

三

城下誘降得功與劉良佐合兵擊之於鮑家嶺賊敗遁追至潛山禽斬賊將闖世王馬武三鷓子王興國三鷓子獻忠養子最號驍勇者也得功箭傷面愈奮與賊轉戰十餘日所殺傷獨多明年移鎮廬州十七年封靖南伯福王立江南進封侯旋命與劉良佐劉澤清高傑爲四鎮初督輔吏可法慮傑跋扈難制故置得功儀真陰相牽制適登萊總兵黃蜚將之任蜚與得功同姓稱兄弟稜書請兵備非常得功率騎三百由揚州往高郵迎之傑副將胡茂慎馳報傑傑素忌得功又疑圖已乃伏精卒道中邀擊之得功行至上橋方作食伏起出不意上馬舉鐵鞭飛矢兩集馬蹄騰他騎馳有驍騎舞槊直前得功大呼反鬪挾其槊而扶之人馬皆糜復殺數十人跳入頽垣中哮聲如雷追者不敢進遂疾馳至大軍得免方鬪時傑潛師擣儀真得功

兵頗傷而所俱行三百騎皆歿遂訴於朝願與傑決一死戰可法命監軍萬元吉和解之不可會得功有母喪可法來弔語之曰土橋之役無愚智皆知傑不義今將軍以國故捐盛怒而歸曲於高是將軍收大名於天下也得功色稍和終以所殺亡多爲恨可法令傑償其馬復出千金爲母贖得功不得已聽之明年傑欲趨河南規取中原詔得功與劉良佐守邳徐傑死得功還儀真傑家並將士妻子尙留揚州得功謀襲之朝廷急遣盧九德諭止得功遂移鎮廬州四月左良玉東下以清君側爲名至九江病死軍中立其子夢庚命得功趨上江禦之駐師荻港得功破夢庚於銅陵解其圍命移家鎮太平一意辨賊論功加左柱國時

大清兵已渡江知福王奔分兵襲太平得功方收兵屯蕪

氏姓譜

卷八

七陽

黃氏

五

湖福王潛入其營得功驚泣曰陛下死守京城臣等猶可盡力奈何聽奸人言倉卒至此且臣方對敵安能扈駕王曰非卿無可仗者得功泣曰願効死得功戰荻港時傷臂幾墮衣葛衣以帛絡臂佩刀坐小舟督麾下入總兵結束前迎敵而劉良佐已先歸命大呼岸上招降得功怒叱曰汝乃降乎忽飛矢至中其喉偏左得功知不可爲擲刀拾所拔箭刺吭死其妻聞之亦自經總兵翁之琪投江死中軍田雄遂挾福王降得功粗猛不識文義江南初立王詔書指揮多出羣小得功得詔紙或對使罵裂之然忠義出天性聞以國事相規誠者輒屈已改不旋踵北來太子之獄得功抗疏曰東宮未必假盲先帝子卽上子木有了無證明混然雷同者臣恐在廷諸臣諂徇者多抗顏者少卽明白識認亦不敢抗詞取禍矣時太子真偽莫決而得功

忠憤不阿如此得功每戰飲酒數斗酒酣氣益厲喜持鐵鞭戰鞭漬血沾手腕以水濡之久乃得脫軍中呼爲黃闖子始爲偏裨將隨大帥立功名未嘗一當大敵及專鎮封侯不及一年餘而南北轉徙主逃將潰無所一用其力束手就磔與國俱亡而已其軍行紀律嚴下無敢犯所至人感其德廬州桐城定遠皆爲立生祠葬儀真方山母墓側

黃天賜

南安舉人知英德剛正嚴明不畏權勢時中官遣

黃聰

字赤城貴州坪壩衛人由選貢知黔陽縣黔自庚寅

辛卯被王馬二賊屠戮之餘人相食且盡壬辰六月公至任瘞死者贍飢民多所存活縣無賊者三年至是民得耕計畝而稅得糧八十石在官八十日以病免去之日民號

氏姓譜

卷八

七陽

黃氏

三

泣送出境會同民梁春昇以事並妻子繫縣獄公寃之請於上得免聞公去無資糧賫百金馳中途以餽公却之家家人私受二十金公行至天柱縣乃覺叱還其家

黃應兆

廣東南海人由舉人任寧遠教諭爲人端莊遇事

敢言作養士類訓迪有方一時文風大振誠師範之表表者後陞陝西漢中府推官

黃鍾

家世業農性聰敏日誦千言年二十始入太學不數

年中景泰庚午鄉試又數年成天順丁丑進士初授行人奉使雲南舊劄一切辭之及爲監察御史發奸摘伏不避權倖後督鹽兩淮以丁外艱歸

黃里雲

內州同知洪武五年秋蒙古兵突入城里雲率兵

巷戰死之

黃自曾字勉之舉鄉試從王守仁湛若水遊又學詩於李

夢陽所著有五嶽山人集子姬水字淳父有文名學書於祝允明

黃字伯開為山陽太守有德政致甘露白兔神雀白鳩之瑞弟奐字仲開為武陵太守

黃字子敬安成人也為郡主簿太守荆寓舉穆孝廉乃薦讓殷仲才寓不聽遂懷板入見寓曰若仲才者六選之首也而穆先之適足以興謗議便投板於內寓知不可移遂從之

黃字九芝廣昌進士天啟五年知邵陽縣除陋規釐積弊折獄明允賞拔名流以忤上官意改學博後任至山東按察使僉事

黃字樂安人嘉靖中武岡學政勸學不輟捐俸置書院並義田以贍士擢國子監學正

氏姓譜 卷八

七陽 黃氏

三

黃福建將樂人宣德十年以吏員任縣丞氣象溫雅勤敏有威佐令周公銓終日拱手默坐不擾一言周公去始展其才於周之大體守而勿失其有欲為而未就者悉為成之修舉廢墜參政俞公士悅行縣清軍見其所造軍冊條理大為稱賞遷為各府縣式能聲振起在任六年以母喪去

黃江西新淦人崇正六年知江華縣力除積弊撫育疲黎值粵寇肆掠訥出奇計敗之民得安堵

黃廬陵人萬歷間知永明縣建濂溪祠遴諸俊又課業其中朔望行鄉約法集父老子弟講聖諭十六條於祠又置田以供春秋祠事行取御史

黃江南蘇州貢生知祁陽縣有巨盜探允橫甚人莫敢詰紋捕之真諸法居官砥操與時忤竟以察去去之日祁

人迫送貽以四葛不受

黃伯通 洪武十一年知江華縣愛養百姓增修學校勸課農桑平均賦役民賴以安祀名宦

黃齊 字士思號玉梁浙江山陰進士萬歷九年任衡州

推官風裁巖峻操履矚然馭左右如束棘折庶獄如懸衡明斷威嚴吏民憚之在官六年遷刑部主事

黃登 字利用四川榮縣舉人嘉靖十二年知耒陽縣修城垣興社學入覲行李蕭然不科民間絲粟在任四年兩膺卓薦尋乞歸

黃次 字有德江夏桂溪人宣德間以賢良方正任常寧縣丞廉勤有為邑有疑獄輒為裁決既去民猶思之

黃春 江夏舉人攸縣教諭淹通百家陰陽方技草木魚蟲之書無不條貫士有問難據典徵古無疑不晰

黃文經 江西進士知湘潭縣美風度政務恢張延攬不修細畧尋以積賊犯城被議去未竟其用

黃仁 南昌人萬歷中湘陰知縣政崇大體剖決無滯賑飢饉蘇衝疲蒞政五年多實政士民建祠祀之

黃讓 善化舉人析產多讓其昆弟置家祠田百餘畝以舉祀事任雲南通判值沐府卒大諱謨往諭之乃定

黃清 巴陵人萬歷間任台州通判有幹才值颶風大作海塘悉圯當事薦作嘉興同知督理海塘得砌石法又鑄鐵

獸以鎖潮開濬裏河以通料運時稱能吏

黃元會 字昌期平江人萬歷戊午舉人授寧州知州有惠政崇正末流賊破城抗節不屈死之

黃節 字文仲華容人成化丁酉鄉貢性廉靜有大志屢上春官不第銓為廣州府通判計使娼縛巨盜費參不煩寸

卷八十

七陽 黃氏

七

兵商船致番利甚都餽以半力却之商爲立生祠祀焉擢
學虞府同知擒巨盜馬文堅並其黨數千人進福建益運
司同知逆瑾竊柄吏皆競與金希速化益司積金如山竟
一錢不入遂落職致仕歸

黃燧字叔闇善化舉人領州牧會詔求直言上書切中時
弊致賜進士御筆改名裳吉特擢兵部職方司員外郎旋
陞密雲兵備道有治聲

黃翼字星池長沙進士授知縣歷陞四川參政勵清操事
有利民者毅然行之致仕歸賞稱貸以給喪殮

黃洽中字景臺善化人萬歷進士標格孤介初知歸安縣
有聲歷戶部郎知太原南安二府所至畏其清強在太原
奏蠲地畝荒稅二萬餘兩在南安蠲木價五萬緡屢遷邊
才不就家居杜門不出課諸子悉有文名

氏姓譜

卷八

七陽

黃氏

三

黃英醴陵人元末授修武校尉率孤軍克復武昌取糧安
慶以衆歸附太祖充先鋒守江陰從大軍討縱陽卒於陣
追封江夏縣男

黃曉成化間同知臨洮府嘗督賊平涼以所得羨餘代民
逋租岷州用兵琥督餉數萬區畫悉宜洮民歲苦河決爲
作浮梁以濟民廟祀之

黃瓚儀真人舉進士累官四川參議奔母喪三年麻衣不
解寢室不入環堵蕭然後居方伯京尹如一寒士巡撫山
東貪吏聞風解綬進南京兵部侍郎致仕瓚古貌古心出
乎風氣之外爲文典雅不爲人諛辭蓋不多見焉

黃應元氏人永樂中進士擢戶部主事有能名尙書夏原
吉甚重之累官嘉興知府廉公剛正子惠困窮力除宿弊
盜息賦均民戴之如父母尤篤意學政孜孜好賢樂善有

古良吏風後遷福建左布政使歷五年致仕卒

黃象宣德中知興寧縣臨民寬恕治專簡易在任十一年百姓戴之如父母去之日老稚咸感泣攀轅祖送載道

黃翰由進士知永州府勤慎清苦愛民好士遇旱禱雨輒應尋以直道不容去

黃璋正德間知南康縣勤介自持剛毅有執立旌善懲惡二碑於要地善惡直書其名衆服其公卒於官士民愛之

黃德潤信豐人正統末進士時英廟北征有內侍潛爲虜謀者德潤知而格殺於庭拜武選主事有武臣納賂求遷秩德潤抗疏劾之平生廉介方剛門無私謁病革以家禮授子震曰其以此治吾喪無作佛事以壞家法

黃恭正統間由舉人知贛州府興學校勸農桑尋艱去十邑士民列狀保留不克人至今思之

氏姓譜

卷八十

七陽

黃氏

壽

黃振正統初知安遠縣慈祥愷悌喜怒不形在任九年人愛戴之

黃伯奇分宜人性資純篤好禮尙義洪武間以才行老成舉授金華知府蒞政嚴謹吏服其能

黃正涿州人性孝讀書尙禮居母喪哀毀廬墓負土築墳事聞旌表

黃純全椒人由鄉貢累官兵科給事中陞江西提舉僉事德行文章爲時稱重子璩舉進士授御史有聲

黃昭道字文顯平江人宏治中進士知長山縣歲蝗禱神雨雹交作蝗盡死人異焉拜監察御史歷江西僉事捕獲逆濠黨惡訊治如法遷雲南參政詠普安賊有功轉布政使辭疾歸惟誠坦凝定克濟大事蓋今之古人云

黃孟舟宣德初慈利知縣廉能謹慎愛民如子民戴之如

父母及幸邑民立祠塑像春秋祀之

陳 甌寧人永樂中進士知東陽縣有異政歷陞貴州參政卒仲芳典雅方剛深惡佛老所著有澹庵集

景 昔江人宏治中進士知長山縣時山東旱蝗瑗多方拯濟鄰境飢民聞之來就食者以萬計累陞肇慶知府以平賊功進三品秩焉

景 泰間泉州府學教授雅意作人泉舊不習春秋結至始以是經授徒

德 化人讀書崇禮天性孝友一日因父病篤藥不能療乃焚香籲天引刀割左股肉和粥進之不令人知後父沒妻見其股癥詢之始知其故鄉人莫不歎服

彭 澤人洪武中由太學生擢監察御史有能聲尋陞廣西按察使未幾轉任湖廣按察使持正不撓進陞都察

氏姓譜 卷八十

院右副都御史

七陽

黃氏

三

正 德間任瑞昌知縣端謹沉毅有節介不為事物屈撓典利祛弊政蹟丕著

蒲 圻人成化乙未進士授江西高安知縣為政巖峻豪宗屏跡拜監察御史堅持風紀不畏強禦時貴州征都勻苗勅玆紀功敗土為流改州為衛厥功居多陞大理寺寺丞

武 昌人尙皇兄蒙城王女慶陽公主授駙馬都尉中都正留守多著勞績卒賜葬鳳陽

建 昌人景泰辛未進士任給事中賜一品服奉使滿刺國官至廣西僉事綽有政聲

星 子人永樂間由舉人任餘姚知縣政尙簡易務修學校民有健訟者遣入社學久之化為善士以母喪歸服

閩先諸闕請復知餘姚六載考績民脫履留之未至京卒
黃元建昌人登成化丁未進士任翰林檢討端謹修飾後
以母老終養不出平居手不釋卷杜門不涉公事恬退雅
操終始無失德云

黃鳳麟其先江夏人徙家建昌鳳麟好學能文以德行稱
舉進士累遷侍御史北部員外郎有文集十卷

黃博弋陽人正統間進士授御史按歷西蜀直隸諸郡書
考得宜振勵有才鄉邑有真御史之稱歷陞四川廣東按

察使

黃會臨川人登進士授行人司左司副持身不污奉使不
辱陞南京屯田郎中綽有能聲官至苑馬寺少卿卒

黃炬金谿人自幼英邁警敏孝弟根於天衷無意進取
酌冠婚喪祭四禮行於家賙貧恤孤惟恐或後郡邑屢以

氏姓譜

卷八十

七陽

黃氏

美

材德薦皆以母老辭論者謂其古心古德可與黃叔度陳
太邱並稱

黃緒烈臨川人洪武甲戌進士知瑞安縣民無逋租奏白
寬獄免歸教授生徒成就後學有歸田類稿行於世

黃頌嘉靖初任漳州府推官嫉惡好善誠心爲民歷署漳
浦長泰縣事恤民興學百廢具舉諸所設施無不宜於民

黃芳正德間同知漳州府慎重寡言邃於理學在漳三年
諭民興行勸課諸生足爲士民表者

黃昌建寧人出國子生歷象州陸安州同知所至鋤強伐
暴興學勸農多有政績陞光祿署正歷官三十餘年未嘗

有過舉

黃原昌建寧人永樂間登進士拜行人持重有節檄宣德
改元頒正朔出使占城得使臣體贈以金帛奇物悉却之

陞戶部員外郎時奔競之風熾原昌恥隨流俗浮沉遂請
老以休致

黃子成 莆田人永樂戊子京闈第一辛卯進士改庶吉士
預修五經四書性理大全書成除檢討壽生端重博瞻時
人重之

黃敏 興化府經歷廉正自持吏不忍欺嘗督造戶口食鹽
冊驗丁論稅立法有方在任未久卒郡人思之相率立碑
城外通衢以紀其善政

黃采 洪武間由御史改尤溪知縣先是縣用市民拘繫里
胥以集事采卽釋之示以信義由是事集民安後復召爲
監察御史

黃世 景泰間爲績溪縣訓導去記誦之習務明義理士皆
知所自勵

黃氏譜 **卷八** 七陽 黃氏 三

黃廣 洪武中初黟縣知縣值元末兵燹之餘招集流散開
闢田土政事一新

黃世 洪武末東阿知縣勤於爲政寬以撫衆流離之民咸
復其業

黃子成 永樂初爲松江知府公勤清慎不感愴邪甫二年
事舉民安

黃得 豐城人領鄉薦授彰德府推官通判常州與吳中水
利知許州除商稅紓里甲民有青天黃母之謠卒祀許州
名宦祠

黃祀 南昌人由進士授縣尹陟南刑曹累轉至太守居官
清慎自持與利剔蠹勞怨不避故嘉興賑飢湖州禱雨特
疏請蠲民愛其惠竟以勞心民瘼卒於官當永訣時有勢
家餽貽棺衾奮起手麾之廉介至死不變後祀湖州名宦

成化間知寧武縣廉潔律已仁惠及民深得牧民之體士民至今稱之

黃寶長沙人成化甲辰進士歷吏部文選郎中藻鑑洞朗

累擢都御史巡撫陝西清壁壘遠烽燧且扼北虜西戎之中坑以犄角之秦地用寧以忤逆瑾罷歸瑾誅復起巡撫

山東移疾卒

黃思讓洪武初以知州知湘陰縣勤理庶政善斷獄訟時兵燹之餘孜孜教化縣治公署皆其創置民不告擾解任去至今思慕之

黃由餘姚人號菊東極研性理之學洪武間以尚書試有司不利遂絕進意喜翫邵子皇極經世書指趣精妙有以自樂

氏姓譜

卷八十

七陽

黃氏

三

黃學謙號起我德化人爲諸生有文名教家嚴肅鄉里推爲長者年八十八郡守舉鄉飲禮敦請大賓乙酉兵氛與妻熊氏同遇害時年九十有一熊年八十八矣子開先號竹坪通經好古爲人樂易坦懷居鄉好急人之困文行一如其父以子雲師貴封刑科左給事中卒年七十有二

黃堯彩字嗣眉德化人倪文正元璠丁卯鄉試所錄士也崇正間謁選除思州府推官尋晉知本府事值倭苗亂妖僧田文澤起兵應之官兵戰失利堯彩單騎出城四十里集兵大戰觀音山悉擒之功聞晉湖廣布政司參議分守湖北道以母老乞養乙酉避居辰州苗箐五年乃從間道奉母歸三年卒著有長安詩南歸草黔行集廬游草車中憶錄律苗事宜歸田紀畧等書

黃養蒙字存一南安人嘉靖進士授遂昌知縣前令爲蒙

猶所誣養蒙廉其非辜白出之擢吏部編歷諸司計吏之
歲日夕居曹中杜一切私謁旌別黜陟悉協輿論遷南太
常少卿晉光祿卿尋陞南戶部侍郎南安故無城戊午邑
燬於寇力贊夏尹汝礪築城之議已而寇復至邑賴以完
後令議濬萬石陂復懲瀝之二事爲邑百世利里人深德
之塑像立祠

黃信 餘干人先知樂清縣奸人給寡婦至京誣告鄉人
謀叛而已逸去有司繫其婦以聞詔行所司會鞫信中廉
得其情力詆爲誣獲全者甚衆盜殺一家三人獄久不決
信中禱於神得真盜遠近稱之陞益城令

黃浮 字蘊生嘉定人爲諸生時深疾科舉文浮靡淫麗
乃原本六經一出以典雅名士爭務聲利獨澹漠自甘不
事徵逐崇正十六年成進士歸益研經籍緼袍糲食蕭然

氏姓譜

卷八

七陽

黃氏

七

一室京師陷福王立南都諸進士悉授官淳耀獨不起選
及南都亡嘉定亦破輒然太息偕弟淵耀入僧舍將自盡
僧曰公未服官可無死淳耀曰城亡與亡豈以出處貳心
乃索筆書曰進士黃淳耀自裁於城西僧舍嗚呼進不能
宣力王朝退不能潔身自隱讀書寡益學道無成耿耿不
寐此心而已遂與淵耀相對益死年四十有一淳耀弱冠
卽著自監錄知過錄有志聖賢之學後爲日歷畫之所爲
夜必書之凡語言得失念慮純雜無不備識用自省改晚
而充養和粹造詣益深所作詩古文悉軌先正卓然名家
有陶菴集十五卷其門人私謚之曰貞文淵耀字偉恭諸
生好學敦行如其兄

黃輔

字純仁善化人以學行薦太祖召見便殿與語奇

之授陝西道御史

黃淑名淑建寧進士王防之妻也淑事舅姑以孝謹稱與防對如賓客防尤賴其內助焉後防爲泗州戶曹以疾卒黃挈柩歸未幾母又卒號慟幾絕服除親戚議改適廬陵令黃誓不改節咏竹詩以見志其詩云勁直忠臣節孤高烈女心四時同一色霜雪不能侵竟憂鬱而死臨終囑其妾以稿置柩中以殉葬君子咏其詩而有取其貞焉孟子曰以順爲正黃淑其得之也

黃氏幼適陳門年十六父任萍鄉令嫁陳三載夫亡遺腹三月哭痛撞樹絕而復甦者數子生舅姑雙逝有奪志者黃氏嚙指斷髮百折不挫及子長娶媳楊氏年十八復夫亡亦有遺腹與媳同守立志愈堅守宰異之事聞於朝萬歷四十七年奉旨黃氏以一身之孤貞續兩世之斷脈姑

卷全

七陽

黃氏

罕

媳同志擅奇節於人間生死一心慰夫魂於地下命有司立坊以旌榜曰一門雙節

黃氏臨邛人初僞作男子以詩謁蜀相周庠庠甚稱其美薦攝府椽政事明敏更胥畏服庠愛其才欲妻以女巖辭以詩云一辭拾翠碧江湄貧守蓬茅但賦詩自服藍衫居郡椽永拋鸞鏡畫蛾眉立身卓爾青松操挺志堅然白璧姿幕府若容爲坦腹願天速變作男兒庠得詩乃知黃使君之女原未從人與老姬同居此事甚奇說海載之悉

黃門五節

黃仲起妻朱氏至正十六年張士誠寇杭州朱

氏與女居臨安奴倉皇報賊至朱曰我別無求惟一死也俄而賊驅諸婦至其家指朱氏母子曰爲我看守日暮我當至也朱氏聞之懼受辱遂與女俱縊死妾馮氏嘆曰我生何爲亦自縊死繼而仲起弟婦蔡氏抱子元童與乳母

皆自縊及暮賊至見諸屍滿室但掠其家財而去

黃氏 道州人黃文明女適周倫爲妻年二十四夫亡子方一歲勵志守節事姑教子五十餘年人無間言

黃氏 彥簡女也許聘唐順朋嘉靖間順朋病痿痺不能娶輒訟於官引匪類爲媒證固爭之主者疑彥簡之寒盟也寘之三木令女出始釋黃氏聞之泣曰以我故陷父於刑不可以爲人女棄已成之盟而更從人不可以爲人妻乃櫛沐更衣自刎時年十八事聞令大驚乃治濟並其黨三人撫部皆旌其孝烈爲建烈女坊

黃氏 陳以文妻以文戍鎮遠戰死氏年二十有遺腹子撫育終節

黃氏 韓彬三之妻夫亡時黃年二十三賣衣備棺以葬父

黃氏 韓彬三之妻夫亡時黃年二十三賣衣備棺以葬父母欲改嫁之泣誓不許年七十餘有司聞於朝成化五年旌表其門

黃氏 唯妙人夫卒守節成化初旌表其門

黃氏 江寧陳伯妻年十八歸伯父死母欲改節氏苦諫不從一日母來省女閉門不與相見母慙去後伯疾篤黃誓不獨生一日姑扶伯起坐黃熟視曰嗟乎病至此吾無望矣走竈下碎食器刺喉不殊以厨刀自刎死年二十一

黃氏 沙縣王珣妻嘉靖中倭亂流劫其鄉鄉之比鄰皆操舟爲業賊至衆婦登舟匿艙中黃兀坐其外衆婦呼之曰不虞賊見乎黃曰蓬窗安坐恐賊至不得脫我居外便投水耳賊至黃躍入水中死

黃氏 名善聰南京人年十三失母父販香廬鳳間令善聰爲男子裝從遊數年父死善聰習其業變姓名曰張勝有

李英者亦販香與爲伴侶者踰年不知其爲女也後偕返
南京省其姊姊初不之識詰知其故怒詈曰男女亂羣辱
我甚矣拒不納善聽以死自誓乃呼鄰姬察之果處子也
相持痛哭立爲改裝明日英來知爲女怏怏如失歸告母
求婚善聰不從曰若歸英如瓜李何鄰里交勸執益堅有
司聞之助以聘判爲夫婦

黃氏蜀郡人張貞妻也貞行船覆溺死黃因投江就之積
十四日執夫手俱浮出

黃氏朱英武妻英武衡陽諸生值大馬帥縱兵掠衡陽英
武孀妻及兩女避亂被獲縛英武將燬之氏與二女同躍
池中死時沍寒池冰將結軍士欲挽之已無及越數日冰
解尸浮池面顏色如生二女猶持母衣裾不釋二女一日
工秀生甫九齡一日昭秀生七齡聞者悲之

氏姓譜

卷八十

七陽

黃氏

聖

黃氏楊勝梁妻年二十六夫亡值銅仁苗叛氏扶老姑逃
匿深山設法覓食以哺之姑嘗謂人曰我非黃媼幾斃深
山矣茹荼守節于復天教其孫士選登賢書年八十三卒
黃氏麻陽人鄭命賢妻命賢爲諸生少負才名以應恩選
卒於鄂黃年僅十九槐歸祭畢自經死

黃氏武陵人張鶴妻也年二十五而寡食貧撫孤四十餘
年事聞旌表

黃氏常德衛人徐瑄妻成化初瑄備禦潯州陣沒氏從死
親族勸止之撫孤璽成人襲世職宏治初亦沒於潯復撫
幼孫輔人稱完節

黃氏李某妻生子寧未及周夫卒守節撫之成立年八十
有司旌之

黃氏新化人庠生鄒守瓚繼妻也守瓚卒前妻生一子黃

矢志撫之成立孀居四十餘年

黃氏寧鄉人吳廣雅繼妻也年二十八夫暴卒遺孤嘉驥方幼收夫遺書教之事兩姑甘旨無缺遞舉三喪皆盡葬成禮守節二十年卒

黃氏益陽人趙克華妻也年二十三夫死遺孤僅六月矢志守節卒年八十邑令表其門

黃氏湘潭人周允妻也允隨父任病不起氏年二十八守節遺腹生子逢泰撫教之中順天乙卯鄉試

黃氏節桂陽州人黃嗣妻雷氏嗣沒雷年二十四子廷秀方七歲家貧苦節廷秀既長娶婦陳氏甫生子而廷秀亦早世陳與姑同矢柏舟之志州守蔣時行表其門曰雙節

黃氏李華標妻也年二十一夫卒遺一女對靈截髮誓不氏姓譜

卷八十

七陽 黃氏

他適

黃氏宜章人鄧唐妻也唐沒黃年方二十堅心守節教子訓孫皆成名

黃氏宜章鎮石人成化間大蘿山寇發女年十七被執醫舌出血曰弱質尙未字人將焉往萬一不韙惟有死耳嘗賊不從賊怒刃於年塙石上石湧出泉至今水尚赤後人名其石爲血盆石立祠祀焉

黃氏荔浦縣哨軍黃銳女適劉鸞鸞早逝氏年方二十五撫幼孤誓不改適有惡少戲之氏厲色曰汝能保而之不死他日乎汝死欲人之淫而妻手撫膺大慟少年慙愧而去壽七十八終邑之士民咸敬慕之

黃氏陽朔人通判黎禧之妾禧任新淦令時妖人作亂聚眾劫縣取印黃卧禧身上大罵賊挺刃砍其面流血滿地

賊退得不死撫按交薦錫以珠冠不受而讓其正室壽七十而終

黃氏博白人黃仕慶女年十八歸秦思諍舉一子三歲思諍卒黃年二十一哀毀骨立矢志不易宏治三年督撫黃公紘旌其門

黃氏恭城人周祐之妻隨夫任廣東龍門教諭因姑徐氏年老與夫訣願回侍養至白沙冲日羣賊劫舟欲汚之斷臂不屈罵賊竟與妾李氏義婦阿曾遇難其子周郡被虜入巢後贖出憫母死陳情當道旌之

黃氏黃昌妻也初黃昌為州書佐其婦歸寧於家遇賊被掠入蜀後昌為蜀郡守其妻因治事至府中昌以不類蜀人間其由妻曰妾本會稽黃昌妻遭亂入蜀昌驚呼前謂曰何以識黃昌耶對曰昌左足下有黑子昌出足示之

氏姓譜 卷六 七陽 黃氏 器

相持悲泣乃再合焉

黃氏王元之妻元苦病風月終於貧病妻共持雅操每遇得向黃氏中夜必先起燃燭供具紙筆元甚重之

黃氏山谷季妹也適張淑和有詩云有齊先生之季女十年擇配無可人箕帚掃公堂上塵家風孝友故相親一妹適王純亮字世弼谷有詩云墨以傳千古文章之印歌以寫一家兄弟之情江山千里頭俱白骨肉十年眼終青一妹適李安詩亦文章士也

黃氏名觀福雅州百丈縣民之女也自幼不食葷血好清

淨家貧無香取柏葉柏子焚之每凝然靜坐終日不倦或食柏葉飲水自給不食五穀父母憐之聽其率性任意既笄欲嫁之忽謂父母曰門首水中極有異物常時多與父母說奇事先兆往往信驗聞之固以為然隨往看水果淘

湯乃自入水中良久不出父母撈攪得一木像天尊金彩已駁形貌與女無異父母號泣而歸後貽父母金數餅告曰女本上清仙人因小失謫在人間年限滿得復昇天而去今呼爲黃冠佛相傳之詠也

黃氏字集義通內則孝經論語歸同里楊載至旣歸而舅姑已沒大舅在大壘之年馭下甚嚴黃事之益謹日躬調飲食隨所需以進或思異味雖遠百里必力致之如是者十年如一日大舅喜曰吾家新婦真孝婦也由是鄉人皆以孝婦稱之

黃氏崇明西河人李富妻也至正初海寇入境掠婦女登舟者二十餘人黃義不受辱卽投海死時年二十七

黃氏襄陽府人尹大中妻也至正末爲賊所擄欲辱之黃不從賊殺之分其屍

氏姓譜

卷八十

七陽

黃氏

異

黃氏余君登母也君登早孤母親授書以教之宋末累徵不起宋亡隱太倉自號知止翁

黃氏名靈徵一名花姑撫州臨川人年八十而有少容貌如嬰兒志行高潔世人號爲花姑躒履徐行奔馬不及一作令徵名華姑撫州有黃仙姑岩唐開元中刺史顏真卿撰仙壇碑記其事

黃氏名景華少好仙道常密修至要後歸韓君授以岷山丹方服之得入易遷宮位爲協晨夫人領九宮諸神女亦總教授之

黃氏女齊人黃公女也二女皆國色常謙語云醜惡醜惡之名播於遠近長而無婚衛有鰥夫冒然娶之乃國色此違名而得實矣

黃氏余勝先妻臨鄉人年二十二而寡撫孤守節始終如

黃氏崇安人鄧文燮妻也年二十八而文燮卒男仕濂生始九月黃抱而泣曰使是兒長成繼承宗祀無憾矣矢志不二弟嘗欲迎歸黃慮其有異竟不往仕濂成立遣遊邑庠為弟子員上聞旌表

黃氏閩縣人林濟妻也年二十七而寡朝夕號慟幾不能生孀居二十九年事舅姑克盡孝謹撫男女各底成立而復能勤生植業終始不少怠宗黨賢之事聞旌表

黃氏新城人適涂欽登進士任乳源丞覆舟死黃氏聞訃哀毀骨立誓不改節教子順登甲申進士官禮部主事姆儀在人間至今言必及之

黃氏漢陽人李貞妻也貞卒黃年二十八家貧極力盡孝事舅姑遣子暹就學發身科目孀居二年事聞旌表

氏姓譜

卷八

七陽

黃氏

異

黃氏余鶴年妻也鶴年以哭弟而卒年二十七黃孀居誓志子崇甫四齡清苦撫育卒以經明行修薦年至八十大學士尹直表其墓

黃氏名季貞崇仁王仲高妻也仲高以戶役死於郡黃年二十四父母欲嫁之黃曰使吾兄弟或亡其外父奪新婦以嫁父豈欲乎寧忍飢寒以奉舅姑不可違禮父母知不可強從之正統間旌表

黃氏崇仁人貝克寬妻也夫亡守節成化間旌表

黃氏名楣漳浦人年二十一適鄭承惠勸其力學三年而寡哀痛籲天欲以死從越七日哭奠如禮家人不疑楣潛自縊而死視其殮具皆預為之嘉靖中事聞旌表

黃氏字坤貞南靖林輝祥妻也年二十二而輝祥卒長子

惟聰甫二歲次惟惠甫一歲坤貞撫育二孤紡績以供朝

夕後帷聽官至推官坤貞年七十始終一節成化間旌表
黃氏名妙觀龍溪蔡安繼室也安拜潮陽令便道過家時
陳友定兵陷漳州安被擒不還妙觀年二十七翦髮自誓
紡績教子至死不移洪武末事聞旌門仍復其家

黃氏莆田黃季實之女適林道淵年二十八而寡力貧撫
孤以底於成立壽八十有奇學士林文爲著貞節傳

黃氏上杭人邵縉纓妻也沙九寇至與縉紳妻陳氏俱被
執紿之渡河中流各抱其嬰躍入水死後數日尸浮嬰猶
在抱人異之成化中旌表扁曰雙節

黃氏建德人相延薊妻也年二十二夫亡無子守節終身
宏治初旌表

黃氏睢州人張貴妻也夫卒守節成化初旌表

黃氏才女容態華麗冠絕當世顧盼顰笑皆妍姣其書學
氏姓譜 卷八十 七陽 黃氏 畢

伎能皆出自天性云

黃氏名千金潛山人許配張生大中未嫁而大中卒父意
欲改議千金曰天有二日乎父卒事母孝邑中有求聘者
母許之千金再拜而起伏父木主前號泣以簪刺目逾三
月而卒時年十九事聞旌表其門

黃氏寧陵人曹漢妻也夫卒守節五十餘年

黃氏金一龍妻夫早歿黃截指自誓立從子爲嗣與姑相
依熊氏子欲娶之母黨利其財給令還家聞道送於熊黃
知勢不可挽願摟括所有以償聘金不聽相持至夜深引
刀自刎未殞其姑聞之急趨視黃曰婦所以未急死者欲
姑一面耳今復何求遂刺喉以絕郡邑聞之斃熊氏子獄
中

黃氏張挺然妻崇正末賊帥白旺陷德安授挺然僞掌旅

黃泣止之不聽賊令挺然取婦爲質黃攜十歲兒匿青山
岩挺然誘以利劫以兵且使親戚招之皆不應已而破岩
焚已居以窮黃黃匿愈深竟不可得挺然寄兒金簪兒以
縮髮黃怒拔棄之曰何爲以賊物汚首久之賊敗挺然走
死襄陽黃耕織以撫其子鄉人義之

黃氏與范氏俱零邑王焯妻夫亡黃氏止生一女范氏生
男恆生范年二十九黃年二十七協志無二撫孤守節黃
年六十二范年六十四方卒後子孫俱入膠庠教授安居
孝旌表其門曰孤貞百鍊之金清操一泓之水有神風化
無忝表揚

黃氏德化人郡庠生劉相妻相迎父喪於臨清哀恚嘔血
而死極至家黃觸樞流血被面每欲以死殉氏時年二十
有一形毀骨立矢志靡他衰經十年事繼姑益謹率日哀
氏姓譜

卷八

七陽

黃氏

吳

殞盡禮閨門肅然雖處貧苦而怨聲不聞人皆賢之

唐氏 邢姓亦曰伊邢出陶唐氏之後堯初封唐侯其地中山
唐縣是也舜封堯之子丹朱爲唐侯至夏時丹朱裔孫
劉累遷於魯縣累孫猶守故地至商更號豕韋氏周復
改爲唐公成王滅唐以封弟叔虞號曰唐叔乃遷唐公
於杜降爵爲伯今長安杜城是也周之季世又封劉累
裔孫在魯縣者爲唐侯以奉堯嗣其地今唐州方城是
也傳曰自虞以上爲陶唐氏在夏爲御龍氏在商爲豕
韋氏在周爲唐杜氏成王滅唐故子孫爲唐氏此晉之
唐也宣十二年傳楚子使唐狡與蔡鳩居告唐惠侯使
潘黨率游闕四十乘從唐侯爲左拒其地在今隨州唐
城縣此楚之唐也定公五年楚滅唐子孫亦以唐爲氏

在晉者仕晉在秦楚者仕秦楚晉有唐睢爲魏大夫西
說秦不敢加兵於魏楚有唐狡唐勃勃與朱玉景差俱
師屈原事楚襄王文章齊名秦有唐厲爲漢中尉擊黥
布有功封斥邱侯生朝朝生賢賢生遵遵生蒙中郎將
生臨卽令都都生倫倫生翰林尙書令王莽封建德侯
生蔚國除徙居潁川生武威長惠惠生侍御史賁賁生
大司空珍珍生會稽太守瑁瑁生翔爲丹陽太守因家
焉二子固滂固吳尙書僕射生別部司馬瓊瓊生宣宣
生晉鎮西校尉上庸襄侯彬字儒宗二子熙極熙太常
丞娶涼州刺史張軌女永嘉末遂居涼州生輝字子產
仕前涼陵江將軍徙居晉昌七子伯廉威季賢幼賢孝
達季禮威爲永世令生宏三子瑤偕諮號三祖按通志
唐姬姓又公子譜一曰成王封叔虞於唐號曰唐叔侯

氏姓譜

卷八

七陽

唐氏

睢

其子燮父之後春秋時國小微弱遂屬爲燮邑據此當
云其子燮父之後別封於唐近於楚微弱遂爲楚屬邑
又按堯之後分爲六唐氏杜氏范氏劉氏韋氏祁氏皆
爲著姓豈堯澤之不泯歟或曰唐氏有二堯之後爲唐
周以封晉此晉之唐也伊祁姓燮父之後封於唐爲楚
所并此楚之唐也

歷代名賢

周

唐睢魏人年九十餘矣魏安釐王時秦魏爲與國齊楚約
而攻魏魏使求救於秦冠蓋相望秦救不出睢謂王曰老
臣請西說秦令兵先臣出王曰敬諾遂約車而遣之睢見
秦王秦王曰丈人茫然乃遠至此甚苦矣魏來求救數矣
寡人知魏之急矣睢對曰大王已知魏之急而救不發者

是籌策之臣無任矣夫魏一萬乘之國稱東籓受冠帶祠
春秋者以爲秦之強足以爲與也今齊楚之兵已在郊矣
太王之救不至魏急則且割地而約齊楚王雖欲救之豈
有及哉是亡一萬乘之魏而強二敵之齊楚也竊以爲大
王籌策之臣無任矣秦王悟遽發兵日夜赴魏齊楚聞之
乃引去信陵君殺晉鄙救邯鄲破秦存趙趙王自郊迎
謂信陵君曰臣聞之曰事有不可知者有不可不知者有
不可忘者有不可不忘者信陵君曰何謂也對曰人之情
我也不可不知也吾憎人也不可得而知也人之有德於
我也不可忘也吾有德於人也不可不忘也令君殺晉鄙
救邯鄲破秦存趙此大德也今趙王自郊迎卒然見趙王
臣願君之忘之也信陵君曰無忌謹受教景閔王時秦王
使人謂安陵君曰寡人欲以五百里之地易安陵安陵君

氏姓譜

卷十

七陽

唐氏

平

其許寡人安陵君曰大王加惠以大易小甚善雖然受地
於先王願終守之弗敢易秦王不悅安陵君使唐雎使於
秦秦王謂雎曰寡人以五百里之地易安陵安陵君不聽
寡人何也且秦滅韓亡魏而君以五十里之地存者以君
爲長者故不錯意也今君逆寡人者輕寡人與雎對曰否
非若是也安陵君受地於先王而守之雖千里不敢易也
豈直五百里哉秦王怫然怒謂雎曰公亦嘗聞天子之怒
乎天子之怒伏尸百萬流血千里雎曰大王嘗聞布衣之
怒乎秦王曰布衣之怒亦免冠徒跣以頭搶地耳雎曰夫
傳諸之刺王僚也彗星襲月聶政之刺韓傀也白虹貫日
要離之刺慶忌也倉鷹擊於殿上此三者皆布衣之士
也懷怒未發休祲降於天與臣而將四矣若士必怒伏尸
二人流血五步天下縞素今日是也挺劍而起秦王色撓

長跪而謝之曰先生坐何至於此寡人論矣夫韓魏滅亡而安陵以五十之地存者徒以有先生也

唐易子齊人齊宣王問弋於唐易子曰弋者奚貴唐易子曰在於謹廩王曰何謂謹廩曰鳥數十目視人人以二目視鳥奈何不謹廩也王曰然則人主以二目視一國一國以萬目視人主將何以自爲廩乎曰鄭長者有言曰夫虛靜無爲而自見也其可以爲此廩乎

屈平楚人與宋玉景差屈平之徒皆好辭而以賦見稱然皆祖平之從容辭令終莫敢直諫有賦四篇

檀子字子產豫章南昌人少遊太學習京氏易韓詩頗氏春秋尤好災異星占後還鄉里教授常百餘人元初七年郡界有芝草生太守劉祗欲上言之以問檀檀對曰方今

氏姓譜

卷八十

七陽 唐氏

五

外戚豪盛陽道微弱斯豈嘉瑞乎祗乃止永寧元年南昌有婦人生四子祗復問檀變異之應檀以爲京師當有兵氣其禍發於蕭牆至延光四年中黃門孫程揚兵殿省誅皇后兄車騎將軍閭顯等立濟陽王爲天子果如所占永建五年舉孝廉除郎中是時白虹貫日檀因上便宜三事陳其咎徵書奏棄官去著書二十八篇名爲唐子率於家

唐元字伯游汝南人章帝永元間辟公府爲臨武縣長縣接南海舊獻龍眼荔枝及生鮮獻之十里一置五里一堠晝夜傳送奔騰阻險至有遭虎狼毒害頓仆死亡不絕道經臨武羌乃上書諫曰臣聞上不以滋味爲德下不以貢膳爲功故天子食太牢爲尊不以果食爲珍伏見交趾七郡獻生鮮龍眼等鳥驚風發南州土地惡蟲猛獸不絕於路至於觸犯死亡之害死者不可復生來者猶可救也此

二物入供未必延年章奏上報詔曰遠國珍羞本以薦奉
宗廟苟有傷害豈愛民之本哉勅大官無復受獻羌得報
卽棄官還家後累擢名竟不爲起有唐子三十餘篇行世

唐國

唐固字子正丹陽人修身積學稱爲儒者著國語公羊穀
梁傳注講授數十人權爲吳王拜固議郎黃武四年爲尙
書僕射卒時年七十餘

唐固

泉陵人少有志操魏咸寧初舉茂才拜武騎常侍南

唐固

句容人修身謹行博通儒術註國語公羊穀梁傳吳
黃武間爲尙書僕射

唐

唐彬字儒宗魯國鄒人也父臺太山太守彬有經國大度

唐彬

卷八十

七陽

唐氏

五

而不拘行檢少便弓馬好游獵身長八尺走及奔鹿強力
兼人晚乃敦悅經史尤明易經隨師受業還家教授恒數
百人初爲郡門下掾轉主簿刺史王沈集諸參佐盛論距
吳之策以問九郡吏彬與譙郡主簿張暉俱陳吳有可兼
之勢沈善其對又使彬難言吳未可伐者而辭理皆屈還
遷功曹舉孝廉州辟主簿累遷別駕彬忠肅公亮進規匡
救不顯諫以自彰又奉使詣相府計事於時僚佐皆當世
英彥見彬莫不欽悅稱之於文帝薦爲掾屬帝以問其參
軍孔顥忌其能良久不答陳騫在坐斂板而稱曰彬之爲
人勝騫甚遠帝笑曰但能如卿固未易得何論於勝因辟
彬爲鎧曹屬帝問曰卿何以致辟對曰修業陋巷觀古人
之遺迹言滿天下無口過行滿天下無怨惡帝顧四座曰
名不虛行他日謂孔顥曰近見唐彬卿受蔽賢之責矣初

鄧艾之誅也文帝以艾久在隴右素得士心一旦夷滅恐邊情搖動使彬密察之彬還白帝曰無以爲慮俄除尙書水部郎泰始初賜爵闕內侯出補鄴令彬道德齊禮朞月化成遷弋陽太守明設禁防百姓安之以母喪去官益州東接吳寇監軍位缺朝議用武陵太守楊宗及彬武帝以問散騎常侍文立立曰宗彬俱不可失然彬多財欲而宗好酒惟陛下裁之帝曰財欲可足酒者難改遂用彬尋又詔彬監巴東諸軍事加廣武將軍上征吳之策甚合帝意後與王濬共伐吳彬屯據衝要爲衆軍前驅每設疑兵應機制勝陷西陵樂鄉多所擒獲自巴陵沔口以東諸賊所聚莫不震懼倒戈肉袒彬知賊寇已殄孫皓將降未至建鄴二百里稱疾遲留以示不競果有先到者爭物後到者爭功於時有識莫不高彬此舉吳平詔以彬爲右將軍都

氏姓譜

卷今

七陽

唐氏

五

督巴東諸軍事徵拜翊軍校尉改封上庸縣侯食邑六千戶賜絹六千疋朝有疑議每參預焉北虜侵掠北平以彬爲使持節監幽州諸軍事領護烏丸校尉右將軍彬旣至鎮訓卒利兵廣農重稼震威耀武宣喻國命示以恩信致鮮卑二部大莫鹿擣何等並遣侍子入貢兼修學校誨誘無倦仁惠廣被遂開拓舊境却地千里復秦長城塞自溫城洎於碣石縣亘山谷且三千里分軍屯守烽埃相望由是邊境獲安無犬吠之驚自漢魏征鎮莫之比焉鮮卑諸種畏懼遂殺大莫鹿彬欲討之恐列上俟報虜必逃散乃發幽冀車牛參軍許祗密奏之詔遣御史檻車徵彬付廷尉以事直見釋百姓追慕彬功德生爲立碑作頌彬初受學於東海閭德門徒甚多獨目彬有廊廟才及彬官成而德已卒乃爲之立碑元康初拜使持節前將軍領西戎校

尉雍州刺史下教曰此州名都人士林藪處士皇甫申叔嚴奇龍姜茂時梁子遠等並志節清妙履行高潔待以不臣之典幅巾相見論道而已郡國備禮發遣以副於邑之望於是四人皆到彬敬而待之元康四年卒官時年六十諡曰襄賜絹二百匹錢二十萬長子嗣官至廣陵太守少子岐征虜司馬

唐 泉陵人幼穎悟永嘉初舉孝廉拜殿中郎累遷至尙書大司徒薦舉賢能朝野多之

南

唐 邕字道和太原晉陽人其先自晉昌徙焉父靈芝魏壽陽令邕少明敏有治世才具初直外兵曹典執文帳以幹濟見知擢爲大將軍府參軍及世宗崩事出倉卒顯祖部分將士鎮壓四方夜中名邕支配造次便了帝甚重之顯

氏姓譜

卷八

七陽

唐氏

語

祖頻年出塞邕必陪從專掌兵機識悟閑明承受敏速自軍吏以上勞効由緒無不諳練每有顧問占對如響或於御前簡閱邕多不執文簿唱官名未嘗謬誤七年於羊汾堤講武令邕總爲諸軍節度事畢仍監宴射之禮是日帝親執邕手引至太后前坐於丞相斛律金上啟太后云邕一人當千仍別賜錢綵邕非唯彊濟明辨亦善揣上意是以委任彌重帝嘗對邕白太后云邕手作文書口且處分耳又聽受寔是異人一日之中六度賜物又嘗解所服青鼠皮裘賜邕云朕意在與卿共弊除兼給事黃門中書舍人帝嘗登童子佛寺望并州城曰此是何等城或曰金城湯池天府之國帝云我謂邕是金城此非也後語邕曰卿劬勞既久欲除卿作州頻勅楊遵彥更求一人堪代卿者遵彥云比遍訪文武如卿之徒實不可得所以遂停此意

卿宜勉之帝或時切責侍臣云卿等不中與唐邕作奴其見賞過多此類肅宗作相除黃門侍郎於華林園射特賜金帶寶器服玩雜物五百種天統初除侍中并州大中正又拜護軍餘如故邕以軍民教習田獵依令十二月月別三圍以爲人馬疲敝奏請每月兩圍世祖從之後出爲趙州刺史餘官如故世祖謂邕曰朝中未有帶侍中護軍中正作州者以卿故有此舉故卿百餘日休息至秋間當卽追卿遷右僕射又遷尙書令封晉昌王錄尙書事屬周師來寇丞相高阿那肱率兵赴援邕配割不甚從允因此有隙肱譖之遣侍中斛律孝卿宣旨責讓留身禁止尋釋之車駕將幸晉陽敕孝卿總騎兵事多自決邕恃舊一旦爲孝卿所輕鬱怏形於辭色帝平陽敗後狼狽還鄴邕懼那肱譖之恨孝卿輕已遂留晉陽與莫多婁敬顯等樹安德

氏姓譜

卷八

七陽

唐氏

五

王爲帝信宿城陷邕遂降周依例授儀同大將軍卒於鳳州刺史邕性識明敏通解時事齊氏一代典執兵機凡是九州軍士四方勇募強弱多少番代往還及器械精麤糧儲虛實精心勤事莫不諳知邕三子長子君明開府儀同三司開皇初卒於應州刺史次子君徹中書舍人隋順戎二州刺史大業中卒於武賁郎將少子君德以邕降周伏法齊朝因高祖作相丞相府外兵曹騎兵曹分掌兵馬及天保受禪諸司監咸歸尙書惟此二曹不廢令唐邕白建主治謂之外兵省其後邕建位望轉隆各爲省主令中書舍人分判二省事故世稱唐白云

唐字附麟父永性溫恭有器量博涉經史雅好屬文身長八尺二寸容貌甚偉年十七周文聞其名乃貽永書曰聞公有二子曰陵從橫多武畧瑾雍容富文雅可並遣入

朝孤欲委以文武之任因名拜尙書員外郎相府記室參
軍事軍書羽檄瑾多掌之從破沙苑戰河橋並有功封姑
臧縣子果遷尙書右丞吏部郎中于時魏室播遷庶務草
旃朝章國典瑾並參之遷戶部尙書進位驃騎大將軍開
府儀同三司賜姓宇文氏時燕公于謹勲高望重朝野所
屬白文帝言瑾學行兼修願與之同姓結爲兄弟庶于孫
承其餘論有益義方文帝嘆異者久之更賜瑾姓萬紐于
氏瑾乃深相結納敦長幼之序瑾亦庭羅于孫行弟姪之
敬其爲朝望所宗如此進爵臨淄縣伯轉吏部尙書銓綜
衡流雅有人倫之鑒以父憂去職尋起令視事時六尙書
皆一時之秀周文自謂得人號爲六俊然瑾尤見器重于
謹南伐江陵以瑾爲元帥府長史軍中謀畧多出瑾焉江
陵旣平衣冠仕伍並沒爲僕隸瑾察其才行有片善者輒

氏姓譜

卷八

七陽

唐氏

五

議免之賴瑾獲濟者甚衆時論多焉及軍還諸將多因擄
掠大獲財物瑾一無所取惟得書兩車載之以歸或曰文
帝曰唐瑾大有輜重悉是梁朝珍玩文帝初不之信然欲
明其虛實密遣使檢閱之惟見墳籍而已乃歎曰向若不
令檢視恐常人有投杼之疑所以益明之耳論平江陵功
進爵爲公尋出爲蔡州刺史歷柘州棧州所在皆有德化
人吏稱之轉荊州總管府長史歷御正納言中大夫曾未
十旬遂遷四職縉紳以爲榮久之除司宗中大夫兼內史
尋卒於位贈小宗伯諡曰方瑾性方重有風格退朝休暇
恒著衣冠以對妻子遇迅雷烈風雖閉夜寢寢必起冠帶
端笏危坐又好施與家無餘財所得祿賜常散之宗族其
尤貧者又割膏腴田宇以賑之所留貽子孫者並堯塢之
地朝野以此稱之撰新儀十篇所著賦頌碑誄二十餘萬

言孫大智嗣瑾次子令則性好篇章兼解音律文多輕艷
爲時人所傳

唐和字稚起晉昌宜安人也父繇以涼土喪亂民無所歸
推隴西李暠於敦煌以寧一州李氏爲沮渠蒙遜所滅和
與兄契攜外甥李寶避難伊吾招集民衆二千餘家臣於
蠕蠕蠕蠕以契爲伊吾王經二十年和與契遣使來降爲
蠕蠕所逼遂擁部落至於高昌蠕蠕遣部帥阿若率騎討
和至白力城和率騎五百先攻高昌契與阿若戰沒和收
餘衆奔前部王國時沮渠安周屯橫截城和攻拔之斬安
周兄子樹又尅高寧白力二城斬其戍主遣使表狀世祖
嘉其誠欵屢賜和和後與前部王車伊洛擊破安周斬首
三百世祖遣成周公萬度歸討焉者詔和與伊洛率所領
赴度歸和奉詔會度歸喻下柳臚以東六城因共擊波居
氏姓譜 **卷今** 七陽 唐氏 七

羅城拔之後同征龜茲度歸令和鎮焉耆時柳臚戍主乙
真伽率諸胡將據城而叛和領輕騎一百匹入其城擒乙
真伽斬之由是諸胡欵附西域尅平和有力也正平元年
和詣闕世祖優寵之待以上客高宗以和歸誠先朝拜鎮
南將軍酒泉公太安中出爲濟州刺史甚有稱績徵爲內
都大官評決獄訟不加捶楚察疑獲實者甚衆世以是稱
之皇興中卒年六十七贈征西大將軍太常卿酒泉王諡
曰宣子欽

唐元達契之子也性果毅有父風與叔父和歸闕俱爲上
客拜安西將軍晉昌公顯祖時出爲華州刺史將軍如故
杏城民蓋平定聚衆爲逆顯祖遣給事楊鍾葵擊平定不
尅而還詔元達討平之杏城民成赤李又聚黨自號爲王
逼掠郡縣殘害百姓元達率騎二百邀其狹路擊破之叛

以據秦雍湯武之業也高祖曰湯武之事豈可幾然喪亂
方剗私當圖存公欲拯溺者吾方爲公思之及大將軍府
開授記室參軍渭北道元帥司馬從定京師爲相國府記
室晉昌郡公武德初進內史舍人遷中書侍郎散騎常侍
呂崇茂以夏縣反與劉武周連和詔永安王孝基獨孤懷
恩于筠率兵致討儉以使適至軍會孝基等爲武周所擄
儉亦見禽始懷恩屯蒲州陰與部將元君實謀反會俱在
賊中君實私語儉曰獨孤尙書將舉兵圖大事猶豫不發
故及此所謂當斷不斷而受亂者俄而懷恩脫歸詔復守
蒲君實曰獨孤拔難歸再戍河上寧其王者不死乎儉恐
必亂密遣劉世讓歸白發其謀會高祖幸蒲津舟及中流
而世讓至帝驚曰豈非天也命趨還舟捕反者懷恩自殺
餘黨皆誅俄而武周敗亡入突厥儉封府庫籍兵甲以待

氏姓譜

卷八

七陽

唐氏

堯

秦皇帝嘉儉身雖辱而不忘朝廷詔復舊官仍爲并州道
安撫大使許以便宜盡簿懷恩貲產賜儉還爲禮部尙書
天策府長史檢校黃門侍郎首國公仍爲遂州都督食綿
州六百戶貞觀初使突厥還太宗謂儉曰卿觀頡利可取
乎對曰銜國威靈庶有成功四年馳傳往誘使歸欵頡利
許之兵懈弛李靖因襲破之儉脫身還歲餘爲民部尙書
從獵洛陽苑羣豕突出於林帝射四發輒墮四豕一豕躍
及鐙儉投馬搏之帝拔劍斷豕顧笑曰天策長史不見上
將擊賊耶懼之甚對曰漢高祖以馬上得之不以馬上
治之陛下神武定四方豈復快心於一獸帝爲罷獵詔其
子善識尙豫章公主儉居官不專事與賓客縱酒爲樂坐
小法貶光祿大夫永徽初致仕加特進顯慶初卒年七十
八贈開府儀同三司并州都督陪葬昭陵謚曰襄

唐次字文編儉裔孫也建中初及進士第歷侍御史竇參數薦之改禮部員外郎參貶出爲開州刺史積十年不遷章臯鎮蜀表爲副使德宗論臯罷之次身在遠久抑不得申以爲古忠臣賢士罹讒毀被放至殺身君且不悟者因采獲其事爲辨謗畧三篇上之帝益怒曰是乃以古昏主方我改夔州刺史憲宗立名還授禮部郎中知制誥終中書舍人憲宗雅惡朋比傾陷者嘗覽辨謗畧善之謂學士沈傳師曰凡君人者宜所觀省然次編錄未盡卿可廣其書傳師乃與令狐楚杜元穎論次起周訖隋增爲十篇更號元和辨謗畧

唐次字雲翔次之子也仕歷屯田郎中太和五年爲山南宣撫使內鄉倉督鄧琬負度支漕米七千斛吏責償之繫其父子至孫凡二十八年九人死於獄扶奏申釋之詔切**氏姓譜** **卷八** 七陽 唐氏 卒

責盜鐵度支二使天下監院償逋繫三年以上者皆原進中書舍人出爲福州觀察使會卒

唐瑋字休璟以字行京兆始平人曾祖規爲後周驃騎大將軍休璟少孤授易於馬嘉運傳禮於賈公彥舉明經高第爲吳王府典籤改管州戶曹參軍會突厥誘奚契丹叛都督周道務以兵授休璟破之於獨護山數賊多遷朔州長史永淳中突厥圍豐州都督崔智辯戰死朝廷議棄豐保靈夏休璟以爲不可上疏諫高宗從其言垂拱中遷安西副都護會吐蕃破焉耆安息道大總管韋待價等敗休璟收其潰亡以定西土授靈州都督乃陳方畧請復四鎮武后遣王孝傑拔龜茲等城自休璟倡之聖歷中授涼州都督右肅政御史大夫持節隴右諸軍副大使吐蕃大將麴莽布支率騎數萬寇涼州入洪源谷休璟以兵數千臨

高望之見賊旗鏜鮮明謂麾下曰吐蕃自欽陵死贊婆降
莽布支新將兵欲以示武且其下皆貴臣酋豪子弟騎雖
精不習戰吾爲諸君取之乃披甲先登六戰皆克斬二將
獲首二千五百築京觀而還吐蕃來請和旣宴使者屢覘
休璟后問焉對曰洪源之戰是將軍多殺臣士卒其勇無
比今願識之后嗟異擢爲右武威金吾二衛大將軍西突
厥烏質勒失諸蕃和舉兵相攻安西道閉武后詔休璟與
宰相計議不少選畫所當施行者旣而邊州建請屯置盡
如休璟策后曰恨用卿晚進拜夏官尙書同鳳閣鸞臺三
品后諄楊再思李嶠姚元崇等曰休璟練知邊事卿輩十
不當一改太子右庶子仍知政事會契丹入塞復以夏官
尙書檢校幽營等州都督安東都護時中宗爲皇太子休
璟將行進啟曰易之兄弟恩寵過幸數入禁闈非人臣所

氏姓譜

卷八

七陽

唐氏

全

宜願加訪察帝復位名授輔國大將軍同中書門下三品
酒泉郡公謂曰初欲名公計事以有北狄憂前日直言今
未忘也加特進尙書右僕射賜邑戶三百封宋國公是歲
大水上疏自劾免不許累遷檢校吏部尙書景龍二年致
仕未幾復起爲太子少師同中書門下三品監修國史景
雲初以特進爲朔方行軍大總管備突厥停舊封別賜百
戶明年復請老給一品全祿延和元年卒年八十六贈荆
州大都督諡曰忠休璟以儒者號知兵自礪石踰四鎮其
間繇地幾萬里山川夷阻障塞之要皆能言之故行師料
敵未嘗敗初得封以賦絹數千散賜其族又出財數十萬
大爲塋墓盡葬其五服親當時稱重

周

字本德京兆長安人周內史瑾之孫其先自北海內

徙武德初隱太子討王世充臨以策進說太子引直典書

坊授右衛率府鎧曹參軍太子廢出爲萬泉丞有輕囚久繫方春耕事興臨說令可且出囚使就賦畝不許臨曰有所疑丞執其罪令移疾臨悉縱歸與之約囚如期還再遷侍御史大夫韋挺責著位不肅明日挺越次與江夏王道宗語臨進曰王亂班道宗曰與大夫語何至爾臨曰大夫亦亂班挺失色衆皆悚伏俄持節按獄交州出冤繫三千人累遷大理卿高宗嘗錄囚臨占對無不盡帝喜曰爲國之要在用法刻則入殘寬則失有罪惟是折中以稱朕意它日復訊餘可斷者輒紛訴不臣獨臨所訊無一言帝問故答曰唐卿斷囚不寃所以絕意帝歎曰爲獄者固當若是乃自述其考曰形如死灰心若鐵石云永徽元年拜御史大夫蕭齡之嘗任廣州都督受賕當死詔羣臣議請論如法詔戮於朝堂臨建言羣臣不知天子所以議之之意

氏姓譜

卷八十

七陽

唐氏

室

在律有八王族戮於隱議親也刑不上大夫議貴也今齡之貪贓狼戾死有餘咎陛下以異於他囚故議之有司又令入死非堯舜所以用刑者不可以爲後世法帝然之齡之齊高帝五世孫由是免死臨累遷吏部尙書後卒於湖州刺史年六十臨儉薄寡欲不好治第宅性旁通專務掩人過見妻子必正衣冠

唐紀

神龍時爲太常博士遷左侍御史度支員外郎常兼

博士韋庶人請妃公主命婦以上葬給鼓吹詔可紹曰鼓吹本軍容黃帝戰涿鹿以爲警衛故曲有靈夔吼鷓鴣爭石墜崖壯士怒之類惟功臣詔葬得兼用之男子有四方功所以加寵雖郊祀天地不參設容得接闈闔哉在令五品官昏葬無給鼓吹者唯京官五品則假四品蓋班秩在夫若子請直前詔用舊典不省中宗始郊國子祭酒祝欽

明等知韋后能制天子欲迎詔之卽奏以皇后亞獻安樂公主終獻又四時及列帝誕日遣使者詣陵如事生帑以爲非禮引正誼固爭紹謂吳頤二陵守戶五百與昭陵同在令又言比羣臣務厚葬以備人象驂眩耀相矜下逮衆庶流宕成俗願披令切勅裁損凡明器不許列衢路惟陳墓所昏家盛設障車擁道爲戲樂邀貨捐貲動萬計甚傷化紊禮不可示天下事雖不從議者美歎睿宗卽位數言政損益再遷給事中兼太常少卿先天二年元宗講武驪山紹以典儀坐失軍容當斬帝怒甚執燾下左右猶冀少貸金吾將軍李邈遽傳詔斬之時深咎邈帝亦悔俄詔罷邈官擯於家

唐彥謙字茂業祖次父持彥謙博學多藝文詞壯麗至於書畫音樂博飲之技無不出羣尤能七言詩少師温庭筠

卷八十

七陽 唐氏

七

得其清峭遭亂不第辟王重榮河中從事歷磁絳禮三州刺史重榮敗貶漢中掾曹楊守亮復署判官至副使復刺閬壁二郡卒有詩數百篇號鹿門先生集

唐衢僻居寥落年五十不仕飢寒迫切自處宴如能爲歌詩意多感發見人文章有可傷歎及古今忠臣義士事之可悲者讀已必泣涕與人言論相別輒發聲號音悲哀懇聞者莫不悽然白居易遺之以詩言賈誼哭時事阮籍哭路岐太尉擊賊日尙書叱盜時大夫死兇寇諫議謫蠻彝每見如此事聲發涕軌隨我亦君之徒嚮嚮何所爲不能發聲哭轉作樂府辭其爲名流稱重若此

唐球放心方外唐末隱蜀之味江山綽有詩思遊歷不出

二百里至性純懿篤好雅道閑曠疎遠邦人謂之唐隱居王建名爲參謀不就爲詩燃稿爲圓納之大瓢中臨終披

飄於江曰斯文苟不沉沒得者方知吾苦心耳至新渠有識者曰唐山人飄也接得之十纜二三自題有云業在有山處道成無事中又贈僧云不知名利苦念佛老岷峨衲補雲千片香焚篆一窠戀山人事少憐客道心多日日齋鐘罷高懸瀘水羅今以其故宅爲隱居寺

唐鳳 萍鄉人乾寧元年登進士科官至秘書正字集貞觀以前文章爲貞觀新書三十卷

唐世晏 字昌圖太原人徙家零陵素驍勇狀貌英偉眼環齒露昭宗時黃巢寇起世晏團練鄉兵保安間里劉建鋒舉爲永州刺史光化初馬殷據楚令李唐攻永州晏力戰城陷死之

宋

清介 字子方江陵人父拱知漳州卒州人合錢以贖介年氏姓譜

卷八

七陽

唐氏

齋

尚劭謝不取擢第爲武陵尉吏誣富民李氏殺人祭鬼守以屬介訊之無它驗守怒白於朝遣御史方偕鞠之與介同守以下得罪偕受上賞介未嘗自言調平江令改任印遠使往來昔誅索介坐驛門令曰非法所應給一切勿與桀者吾必執之使皆帖服去沿邊塘水歲溢害民田介以隄闌之反資爲利通判德州穆安撫司責轉運崔暉取庫絹配民而重其估暉怒馳檄按詰不爲動旣而果不行入爲監察御史裏行轉殿中侍御史會啟聖院造龍鳳車內出珠玉過爲之飾介言太宗神御所在不可喧瀆詔亟毀去張堯佐驟除宣徽節度景靈羣牧四使介與吳奎包拯力爭奪二使無何復以宣徽使知河陽介語同列曰是欲與宣徽而假河陽爲名耳獨抗言之並劾文彥博守蜀日造間金奇錦緣奄侍通官掖以得執政今顯用堯佐益自

固結請罷之而相富弼又言諫官吳奎表裏觀望語甚激切帝怒卻奏不視且言將遠竄介徐讀畢曰臣忠憤所激鼎鑊且不顧何辭於謫時彥博在前介責曰彥博宜自省卽有之不可隱彥博拜謝不已帝怒益甚梁適叱使下殿貶春州別駕中丞王舉正言太重帝悟取其疏入明日改英州又慮介或道死有殺直臣名命中使護之由是介直聲動天下士大夫稱爲真御史而不敢名數月起監郴州稅仍殿中侍御史自遷謫以來未嘗以私書至京師入對帝勞之曰卿可謂不易所守矣介頓首謝言事益無所避因請於上恐言不行將復固爭以累陛下願得解職換工部員外郎出知揚州徙江東轉運使御史吳中復言介不宜久居外時彥博再當國奏乞如中復言然但徙河東从之入爲度支副使進天章閣待制復知諫院帝自至和後

氏姓譜

卷十

七陽

唐氏

奎

臨朝淵默介言君臣如天地以交泰爲理願時延羣下發德音可否萬機以幸天下帝納之俄與王陶論中丞韓絳以危法中傷富弼絳罷介亦請外出知荆南何剡知銀臺封還勅留權開封久之轉河北都轉運使樞密直學士知瀛州英宗爲皇子熟其名治平初名爲御史中丞入見奏臣無狀陛下過聽願獻愚忠自古欲治之主非求絕世逃俗之術要在順人情而已祖宗遺德餘烈在人未遠願覽已成之業以爲監則天下蒙福矣明年以龍圖閣學士知太原帝諭河東不在中執法下煩鄉暫往夏人數擾代州邊多築堡境上介至悉撤之移諭以利害遂不敢動神宗立名爲三司使熙寧元年拜參知政事先是宰相於待漏舍闕所進文書同列不得聞介語曾公亮曰身在政府而交書弗與知上或有所問何辭以對請與同視遂爲例嘗

言安石難大任帝問文學不可任耶對曰安石好學而泥古故議論迂濶若使爲政必多變更退語同列曰安石果用天下必擾安石旣執政奏中書凡有處分令自出牒不必稱聖旨介曰如安石言則是政令不自天子出使輔臣皆賢猶爲擅命苟非其人豈不害國安石又議謀殺人傷者許自首免死介曰此法天下皆謂不可獨安石以爲可自是數與爭論帝特主其說介不勝忿疽發卒年六十介性簡伉以敢言見憚每言官缺衆皆屬望觀其文采神宗以兩朝遺直故大用之擢居政府遭時有爲而扼於安石少所建明聲名減於昔將終帝臨問流涕復往弔哭以畫像不類命取禁中藏本賜其家贈禮部尙書諡質肅

唐淑問字士憲介之子也登進士至殿中丞神宗擢監察御史衷行論以謹守家法時方勵精中旨數下一出特斷

氏姓譜

卷八

七陽

唐氏

矣

因奏當務大體別枉直使命令必行今詔書求言久無施用必欲屈羣策以起治道願行其言又奏侍臣講讀不必分章句飾文辭帝王之學務在稽古聖人治天下之道歷代致興亡之由延登正人博訪世務以求合先王則天下幸甚河北飢流人就食京師賑者出粟不繼以爲誘之失業而就死地乃條上三策中丞滕甫以爲邀名出通判復州改眞州提點湖北刑獄坐言新法出知信陽軍病免起知宣與湖州入爲吏部員外郎引疾求外帝以爲避事降監撫州酒稅哲宗立司馬光薦名爲右司諫卒

唐義問

字士宣淑問之弟也善文辭應禮部試父引嫌罷

熙寧中京西轉運黃好謙辟管勾文字神宗覽本道章奏知義問所爲名除司農管當公事從曾孝寬使河東還奏事記利害綱目於劄帝取而熟視歷舉以問應析如流喜

曰欲見卿非今日也擢湖南轉運判官自免役行分戶五等儲其羨爲別賦號家力錢義問悉奏除之移使京西時陝西用兵亡卒所至咸聚請令詣官自陳給券續食人以爲便會有不悅者免歸元祐中起知齊州提舉京東刑獄河北運副用文彥博薦加集賢修撰帥荆南請廢渠陽諸砦蠻楊晟秀叛拜湖北轉運使討降之進直龍圖閣知廣州章惇治棄渠陽罪貶舒州團練副使復故官知穎昌卒

唐

介之孫也崇寧初爲華陽令以不能奉行茶法忤使者與弟南陵合意咸謝病免歸杜門躬耕恕尋以宣教郎致仕靖康元年中丞許翰言其高行詔起爲監察御史意亦以宰相吳敏薦名對而貧不能行竟飢死

唐

字叔元錢塘人七歲能誦五經錢俶聞其名而慕之與孫何丁謂曹商游從學者衆第進士調郿縣簿徙秦州

卷十

七陽

唐氏

奎

司理參軍有商人寓逆旅夜聞呼聲往視乃同宿者殺人亡去血沾其衣捕吏執之獄具肅疑有寃持之數日果得殺人者由是有名雷有終辟觀察推官遷著作佐郎擢三司度支副使奉使契丹還遷刑部郎龍圖閣待制卒贈禮部侍郎有集三十卷好畜硯有硯錄三卷

唐

字伯玉古田人遊太學登嘉定進士時臺臣李安行

奏次對官不許論邊事璘對策極詆之調吳縣尉有盜殺人挾舟併亡者求之不得民自誣伏璘爲緩之果得賊太湖與舟俱至舉縣神之勢家治園將鑿渠通舟諺言古有渠常平使主之璘視放籍則民田也力爭迂使意移監縣稅以直聞調瑞州教授約白鹿洞條教先禮讓後文藝士翕然知嚮改監行在權貨務辟淮東運司催轄綱運官會制使出師楚州以捷聞遂欲乘勢取淮陰璘謂捷奏多誇

詎不可信今聚兵集糧所費不貲僅能使賊全師北去况
出沒漣海謀結北邊正恐迭出撓我憂方大爾不聽後果
死傷者六萬璘由是知名擢知晉陵凡鄰州有訟皆願送
可否制使陳韓辟爲建康通判舉府事以聽未幾擢監察
御史故事御史就職惟常服拜殿捍有論奏繳進帝獨召
對緝熙殿令服窄衫面讀所疏首論賈似道不顧民命輕
挑兵端盡正無將之誅以著不忠之戒崔與之操行類楊
綰雖修途暮景力不速心而命下之日聞者興起喬行簡
頗識大體朝望稍孚然除授徧私事多遺忘宜擇家相贊
宗子輔民物以慰父母之望毋使天變浸極人心愈離上
爲改容又問邊事璘請號名土豪經理荆襄亟擇帥臣安
集淮西帝嘉納璘益感知遇彈擊無所避再疏鄭清之妄
庸誤國乞削籍廢棄鄭性之懦而多私黨庇姦庸臣曾受

氏姓譜

卷八

七陽

唐氏

亥

其舉狀然國事至此不敢顧私及論李鳴復交結權倖事
多不報璘立臺僅百日世稱唐介復出至切廟上躬盡言
無隱帝益嚴憚之旬外授廣西運判改江東兼知嘉興時
邊事急置四察訪使詔璘分建康太平池州江西璘揭榜
馬前咨所部利害戒土豪團結漁業水手茶鹽舟夫廬丁
悉備燎舟之具人人思奮卽選將總二州兵船以耀敵檄
當塗設戰具防采石檣和糴續生劵奏損總領所錢二十
萬助江防軍聲大振尋遷直華文閣知廣州兼廣東經畧
安撫使梅冠作示以威信寇遂息江淮早議下廣右和糴
璘言公家赤立糴本無所辦恐重取於民他日名譽重貽
朝廷憂明年上章乞致仕帝思見之命入奏擢太常少卿
其居官大節母教爲多至是母亡居喪哀毀遂不食而卒

唐文若字立夫庚之子也父子俱舉進士庚出宗子博士

至承議郎提督京畿常平爲文精密通於世務作名治察
言惻俗存舊內前行諸篇時人稱之提舉上清太平宮歸
蜀道卒年五十一有文集二十卷文若少英邁不羣爲文
豪雋教授潼川南渡初勾瀆薦赴行在得對改通判洋州
山多陵谷西八百餘里皆產茶賦不盡括使者韓球將增
之以市寵交若力爭得免再判遂寧大水漂民亟發倉庫
除田租免塲務稅築長堤以捍水勢民以無患時秦檜已
死高宗訪蜀士於魏良臣名爲光祿丞改秘書郎著文思
箴千五百餘言以獻上納之

唐氏字聖任眉州彭山人少有大志登進士徽宗制策問
制禮作樂對以事親從兄爲仁義禮樂之實陛下以神考
爲父哲宗爲兄蓋亦推原仁義之實而已何以制作爲哉
授蜀州司理參軍改成都教授知金堂縣入爲辟雍學錄

氏姓譜

卷八

七陽 唐氏

七

名對極言拓地開邊之害歷遷吏部員外左司郎中起居
舍人右諫議大夫金人構難朝議和戰遷守不一重告於
欽宗決定守城之計金人要求金帛中書侍郎王孝迪下
令許人許告有匿者死重曰如此則子得告父弟得告兄
奴婢告主豈初政所宜疏論止之又累疏乞斬蔡京父子
以謝天下尋轉中書舍人以多繳奏不合落職知同州擢
天章閣待制高宗卽位上疏論當今急務有四欲車駕西
幸建藩鎮封宗子通夏國之好繼青唐之後使相犄角以
緩敵勢大患有五謂法令不彰朝綱委靡軍政敗壞國用
竭民心離宜大奮乾斷登用忠直時關中缺守上詢長安
帥劉岑薦重擢天章閣直學士知京兆府兼經畧制置使
復申前議請上親幸關中以固根本然後營屯於漢中開
國於西蜀不報乃留程迪提舉軍馬措置民兵金將婁宿

已陷韓城時京兆兵皆調赴行在重度勢不可支與迪詣
种氏諸豪謀率衆保險俟敵勢稍衰出奇擊之轉運桑景
詢揭榜許民擇險自固會前河東經制傅亮建議當守不
當避重從之去者悉還旣而益迫復以迪行視南山諸谷
將運金帛徙治其中名土豪集民兵以補軍籍時應募者
衆亮請重曰人心如此假以旬日守備且具奈何棄去重
然之遂與郭忠孝等分城固守重主東壁忠孝主西壁金
人圍城忠孝引神臂弓射敵不得前重先以書別其父克
臣曰忠孝不兩立男義不苟生以辱吾父克臣報曰汝能
徇國吾含笑入地矣又遣書運使李唐孺曰重平生忠義
不敢辭難始意迎車駕入關居建餽之勢庶可以臨東方
今車駕南幸臣民望絕雖竭智力無所施一死報上而已
固守踰旬外援不至傅亮奪門出降城遂陷重以親兵百

氏姓譜

卷十

七陽

唐氏

七

人血戰諸將扶使去辭曰死吾職也遂中流矢沒唐孺上
其書帝哀悼之贈資政殿學士

周伯

字長儒丹陵人與弟庚字子西治易春秋皆有法

方居母喪父遊南瀘伯虎忽夜半夢父書亟來二字蹶然
心動曰父必有他患蹴庚奉奠朝夕吾趨瀘南庚未及應
奮曰吾計決矣遂起裹糧黎明走僦舟遇江漲客舟皆癡
岸不敢動伯虎彷徨堤上有漁者持小艇至伯虎陷以利
不應遽躍入艇中漁者不得已乃行二日半至瀘父果病
甚見之大驚問故具告之嘆曰天告汝也疾少間具舟侍
父以歸居無何疾復作遂卒時人以爲孝感元符中以貢
舉事繫臨功獄語連庚並械吏逾年掠治無完膚其詞確
然一不及庚故獄久不決會赦得免伯虎性真率人多易
之至是服其孝友爲不可及云

周彥年十六甚強敏皇祐初登第易名彥範終陽朔令其弟彥輔彥隆彥材皆爲縣令有聲里人號五縣令

唐開字必先江華縣人建炎三年進士任廉州府治績著稱於時叔父唐貢嘗被誣憤死於獄開詣京師訟寃鄉人高其美

唐彪字仲孺興安人淳熙進士嘉泰二年守新州先是縣道銷丁割稅差役折戶皆取於民田無遺利前守見訴者但慰遣去莫以爲言彪至官首奏罷之祀名宦

唐時字思經全州人政和二年進士初名時臣御筆爲去臣字籍興中官鄂岳間值岳武穆將兵應副軍甚有勞績武穆薦之名見奏事任靜江理定合官至澧州守子朝俊以蔭補亦宰理定民頌作述之善

唐子正字幾卿興安人治平初舉孝廉後通判邕州熙寧氏姓譜

卷八十一

七陽

唐氏

圭

八年冬交趾兵圍邕子正與蘇緘率城禁兵固守及外援不至城陷子正及緘死之

唐仲友金華人父堯封紹興間爲侍御史論錢端禮坐斥仲友登第復中宏詞科仕至江西提刑博聞洽識講析經史著有六經解皇極經世圖譜兄仲義弟仲溫俱登進士

唐容零陵人博學強記與唐麟樂韶共學俱有大志人號城南三傑後舉進士宰豐城政聲爲諸邑最尋知邕州交趾入寇容提兵討之後隱於建昌麻姑山自號雲壑老人

唐傑東安人生兩歲卽知孝繼祖母蔣病目失明傑以舌舐之目有見劇賊孔彥丹犯邑傑號泣負蔣冒賊以去賊義而捨之母病剗肉和藥以進卽愈父亡以舌舐屍代浴廬墓有年哀動山谷紹興間郡守以聞詔付史館賜束帛

唐績零陵人少警敏嗜學能文登元符進士爲衡山令復

通判鼎州擢福州運判帝曰卿久歷州縣知民疾苦當遍
察風俗以聞績天姿修潔蒞事有方接人以義士論多之
唐稷 零都人政和間登進士授樞密院編修官自號硯岡
居士有硯岡居士集胡銓爲之誌其墓云

唐俊 興安人少刻意於學博通經史紹興間第進士官
廷對以直言被黜尋起容州倅移守昭州政成入奏除知
象州尋知廉州未起攝鬱林郡兇賊謝寔犯鄰境俊又躬
率吏民禦之賊遁去秋滿遂請老凡三郡家無贏蓄張栻
帥桂時聞其居迫火急遣軍救之頃刻還白曰唐大夫家
止有文書衣衾數篋已他徙矣栻深嘆其清約

唐則 興安人少以學行稱舉進士歷官至侍郎晚歸築館
授徒以身率後進雖極寒酷暑不少倦經史皆誦誥成一
家言二子叔夏叔獻相繼登科

氏姓譜

卷八十一

七陽

唐氏

三

唐儀 鳳宜州人慶元間以特科文學出身初授賓州司理
參軍權知賓州後以從仕郎爲化州路推官俱以廉能稱
唐枚 宜興人嘗從程頤學頤教之以先大學次論孟杖自
是有所得遺書載問答甚多纂次伊訓語錄百餘條

唐敏 求當塗人宣和中進士調德化主簿盜起敏求挺身
率衆捍賊度力不能支論以禍福賊憤詆觸諫而前遂遇
害事聞贈官補其子楠將仕郎

元

唐仁祖 字壽卿畏兀人祖曰唐古直年十七給事太祖厲
之皇子拖雷曰唐古直可任大事未及用而歿子孫因以
唐爲氏仁祖少穎悟尤遠音律中統初詔諸貴胄爲質世
祖親閱之見仁祖曰是唐古直孫耶聰明無疑也俾習國
字至元中授翰林直學士歷參議尙書省事時桑哥秉政

威方熾仁祖論議不回屢忤其意改工部尙書欲以曹務
煩劇重困之尋出使雲中桑哥考工部織課稍緩怒曰誤
國家歲用亟遣騎追還督工且促其期曰違期必致於法
仁祖退名諸署長從容語曰丞相怒在我不在爾輩幸各
自勉力衆感奮晝夜加工期未及而織已辦旣而桑哥繫
獄命仁祖往籍其家明日以左右之援復釋衆皆駭目仁
祖曰怒虎之威可再犯邪悉踰垣以窟仁祖不爲動及桑
哥敗遷翰林學士承旨遼陽飢偕左丞忻都往賑忻都欲
如戶口大小分給仁祖曰不可昔籍之小口今已長矣可
盡以大口給之忻都曰若要善名而陷我於惡邪仁祖笑
曰吾二人善惡衆已灼知豈至是而始要名哉成宗卽位
尊大母元妃爲皇太后以仁祖善書特勅書冊文復奉詔
督工織絲像世祖御容越三年告成大德五年再授翰林
氏姓譜

卷八十

七陽

唐氏

七

學士承旨知制誥兼修國史卒封洹國公諡文貞

唐元字本初崑山人嗜古博雅有船號一葦航浮遊江湖
日哦詩其中每過阿瑛溪上必繫舟談笑終日詩見草堂
雅集

唐轅明州人父復禮犯罪被梏將逮赴京長子轅詣吏乞
父不許乃叩頭流血欲自經吏哀其誠脫父梏梏之抵越
州遇轅乃挽轅袂哭曰兄爲家子宗祀所托不可死弟請
代兄行轅不從轅曰兄訥於言此行必不免弟往有計可
生幸無苦奪其械加已手吏亦從之抵京繫獄旬日有代
白其寃者竟得歸

唐大年以行省知事攝龍溪尹事寬以惠下毅以任重吏
不敢欺以私民不違其令

唐勝宗濠人太祖起兵勝宗年十八來歸從渡江積功爲中翼元帥從徐達克常州進圍寧國扼險力戰敗其援兵城遂降從征婺州克之從征池州力戰敗陳友諒兵擢龍驤衛指揮僉事從征友諒至安慶敵固守勝宗爲陸兵疑之出不意擣克其水寨從下南昌畧定江西諸郡援安豐攻廬州戰鄱陽邀擊涇江口皆有功擢驃騎衛指揮同知從定武昌狗長沙沅陵澧陽從徐達取江陵還定淮東穴城克安豐追獲元將忻都爲安豐衛指揮使守之從大將軍伐中原克汴梁歸德許州輒留守從大軍克延安進都督府同知洪武三年冬封延安侯食祿千五百石予世券坐擅馳驃騎奪爵降指揮捕代縣反者久之復爵十四年浙東山寇葉丁香等作亂命總兵討之禽賊首併其黨二千餘人分兵平安福賊至臨安降元右丞兀卜台等十五

氏姓譜

卷八

七陽

唐氏

嵩

年巡視陝西督屯田簡軍士明年鎮遼東奉勅勿逼高麗高麗使至察其奸表聞賜勅褒美比魏田豫却烏桓賂稱名臣在鎮七年信威大著名還帥師討平貴州蠻練兵黃平二十三年坐胡惟庸黨誅爵除

唐

字振之虹人太祖初起兵卽侍左右守濠州從定江

州授西安縣丞名爲中書省管勾洪武元年湯和克延安以鐸知府事拊輯新附士民安之居三年入爲殿中侍御史復出知紹興府六年十二月名拜刑部尙書明年改太常卿丁母憂特給半俸十四年服闋起兵部尙書明年初置諫院以爲諫議大夫帝嘗與侍臣論歷代興廢曰使朕子孫如成康輔弼如周名則可祈天永命鐸因進曰豫教元良選左右爲輔導宗社萬年福也帝又謂鐸曰人有公私故言有邪正正言務規諫邪言務誘諛鐸曰謗近忠諫

近愛不爲所眩則讒佞自遠未幾左遷諫察御史請選賢能京官徧歷郡縣訪求賢才體察官吏選歷練老成望隆名重者居布政按察之職帝從之既復擢爲右副都御史歷刑兵二部尙書二十二年置詹事院命吏部曰輔導太子必擇端重之士三代保傅禮甚尊嚴兵部尙書鐸謹厚有德量以爲詹事尙書俸如故以鐸嘗請豫教故也其年致仕二十六年起太子賓客進太子少保二十八年龍州土官趙宗壽以奏鄭國公常茂死事不實被召又不至帝怒命楊文統大軍往討而命鐸指諭鐸至廉得茂實病死宗壽亦伏罪來朝乃詔文移兵征奉議諸州叛蠻卽以鐸參議軍事逾月諸蠻平鐸相度形勢請設奉議衛及向武河池懷集武仙賀縣諸處守禦千戶所鎮以官軍皆報可鐸爲人長者性慎密不妄取予帝以故舊遇之嘗曰鐸

氏姓譜

卷八

七陽

厝氏

七

自友及臣至今三十餘年其與人交不至變色絕亦不出惡聲三十年七月卒於京師年六十九賻贈甚厚命有司護其喪歸葬

厝順之

字應德武進人祖貴戶科給事中父寶永州知府

順之生有異稟稍長洽貫羣籍年三十二舉嘉靖八年會試第一改庶吉士座主張璉疾翰林出諸吉士爲他曹獨欲留順之固辭乃調兵部主事引疾歸久之除吏部十二年秋詔選朝官爲翰林乃改順之編修校累朝實錄事將竣復以疾告璉持其疏不下有旨順之欲遠璉者璉發怒擬旨以吏部主事罷歸永不復叙至十八年選官僚乃起故官兼春坊右司諫與羅洪先趙時春請朝太子復削籍歸卜築陽羨山中讀書十餘年中外論薦竝報寢倭闖北南北趙文華出視師疏薦順之起南京兵部主事父憂未

終不果出免喪名爲職方員外郎進郎中出覈蘄鎮兵籍
還奏缺伍三萬有奇見兵亦不任戰因條上便宜九事總
督王忬以下俱貶秩尋命往南畿浙江視師與胡宗憲協
謀討賊順之以禦賊上策當截之海外縱使登陸則內地
咸受禍乃躬泛海自江陰抵蛟門大洋一晝夜行六七百
里從者咸驚嘔順之意氣自如倭泊崇明三沙督舟師邀
之海外斬賊一百二十沉其舟十三擢太僕少卿宗憲言
順之權輕乃加右叅政順之聞賊犯江北急令總兵官盧
錚拒三沙自率副總兵劉顯馳援與鳳陽巡撫李遂大破
之時盛暑居海舟兩月遂得疾返太倉李遂改官南京卽
擢順之右僉都御史代遂巡撫順之疾甚以兵事棘不敢
辭渡江賊已爲遂等所滅淮揚適大飢條上海防善後九
事三十九年春汛期至力疾泛海度焦山至通州卒年五

氏姓譜

卷八

七陽

唐氏

庚

十四訃聞予祭葬故事四品但賜祭順之以勞得賜葬云
順之於學無所不窺自天文樂律地理兵法弧矢勾股壬
奇禽乙莫不究極原委盡取古今載籍剖裂補綴區分部
居爲左右文武儒裨六編傳於世學者不能測其奧也爲
古文洗洋紆折有大家風生平苦節自厲輟扉爲床不飾
衲褥又聞良知說於王畿閉戶兀坐匝月忘寢多所自得
晚由文華薦商出處於羅洪先洪先曰向已隸名仕籍此
身非我有安得侔處士順之遂出然聞望頗由此損崇正
中追諡襄文子鶴徵隆慶五年進士歷官太常卿亦以博
學聞

學聞

唐子清沛縣主簿燕兵攻沛知縣顏伯瑋冠帶升堂南向
拜自經死子清被執燕將欲釋之子清曰願隨顏公地下

遂死之

李福字惟中歸安人嘉靖五年進士授刑部主事言官以
之獄陛下駁勘再三誠古帝王欽恤盛心而諸臣負陛下
欺蔽者肆其讒誚諛者溷其說畏威者變其辭訪緝者滄
其真是以陛下威漸甚而是非卒不能明臣竊惟陛下之
疑有六謂謀反罪重不宜輕加於所疑一也謂天下人貌
有相似二也謂薛良言弗可聽三也謂李珣初牒明四也
謂臣下立黨傾郭勛五也謂崞洛證佐皆讐六也臣請一
一辨之明正福達之罪庶羣奸屏跡宗社幸甚疏入帝大
怒斥爲民其後欽明大獄錄剛樞疏不載樞少學於湛若
水深造實踐又留心經世畧九邊及越蜀滇黔險阻阨塞
無不親歷躡屩茹草至老不衰隆慶初復官以年老加秩
致仕會高拱憾徐階謂階恤錄先朝建言諸臣乃彰先帝

氏姓譜

卷十

七陽

唐氏

七

之過請悉停之樞竟不錄

唐文獻

字元徵華亭人萬歷十四年進士第一授修撰歷

詹事沈一貫以妖書事傾尙書郭正域持之急文獻偕其
僚楊道賓周如砥陶望齡往見一貫曰郭公將不免人謂
公實有意殺之一貫踟躕酌地若爲誓者文獻曰亦知公
無意殺之也第臺省承風下石而公不早訖此獄何辭以
謝天下一貫歛容謝之望齡見朱賡不爲救亦正色責以
大義願棄官與正域同死獄得稍解然文獻等以是失政
府意久之拜禮部右侍郎掌翰林院事初文獻出趙用賢
門以名節相矜許同年生給事中李沂劾張鯨被廷杖文
獻掖之出資給其湯藥荊州推官華珏忤稅監逮下詔獄
文獻力周旋得無死掌翰林日當考察執政欲庇一人執
不許卒於官贈禮部尙書諡文恪

唐字處敬越州山陰人通經史兼習陰陽醫卜書數少與上虞謝肅齊名稱會稽二肅至正壬寅舉鄉試張士誠時爲杭州黃岡書院山長遷嘉興路儒學正士誠敗例赴京尋以父喪還洪武三年用薦名修禮樂書擢應奉翰林文字其秋科舉行爲分考官免歸六年謫佃濠梁卒子之淳字愚士宋濂亟稱之建文二年用方孝孺薦擢翰林侍讀與孝孺共領修書事卒於官

唐字伯虎一字子畏性穎利與里狂生張靈縱酒不事諸生業祝允明規之乃閉戶陔歲舉宏治十一年鄉試第一一座主梁儲奇其文還朝示學士程敏政敏政亦奇之未幾敏政總裁會試江陰富人徐經賄其家僅得試題事露言者劾敏政語連寅下詔獄謫爲吏寅恥不就歸家益放浪寧王宸濠厚幣聘之寅察其有異志佯狂使酒露其醜

氏姓譜

卷十

七陽

唐氏

庚

穢宸濠不能堪放還築室桃花鵝與客日般飲其中年五十四而卒寅詩文初尙才情晚年頽然自放謂後人知我不在此論者傷之吳中自枝山輩以放誕不羈爲世所指目而文才輕艷傾動流輩傳說者增益而附麗之

唐字叔達嘉定人父欽訓與歸有光善故時升早登有光之門年未三十謝舉業專意學古王世貞官南都延之邸舍與辨晰疑義時升自以出歸氏門不肯復稱王氏弟子及王錫爵枋國其子衡邀時升入都值塞上用兵逆斷其情形虛實將帥勝負無一爽者家貧好施予灌園藝蔬蕭然自得詩援筆成不加點竄文得有光之傳與里人婁堅程嘉燧並稱曰練川三老卒於崇正九年年八十六

唐知崇明縣建新城成議徙居爲千戶高才翟欽所沮倭笑入一卒戰且詈遂爲亂軍所殺詔贈光祿少卿廕

國子生建祠祀

明字爾極固始人舉於鄉崇正中為長垣教諭子路墓祀田為豪家奪時明復其故由國子正學屢遷鳳翔知府十六年十月聞李自成入潼關亟治戰守備俄潰兵大掠西人無固志及自成據西安分兵來寇典史董尚質開門迎賊時明被執偽相牛金星曰吾主求賢若渴君至西京不次擢用時明叱曰我天朝命吏肯臣賊耶金星令尚質說降厲聲責之賊令縛赴西安時明託妻子於友人至興平乘間自縊鳳翔既陷屬城叛降

明番禺人也舉鄉試累歷知仙居天台富川分水四縣在富川有撫猺功坐累謫池州經歷攝貴池縣事左良玉擁兵下鄉民奔入城守者拒夢鯤令悉納之及改寶雞賊已過潼關星馳抵任賊逼縣知不可守自經死

氏姓譜

卷八

七陽

唐氏

老

明全州諸生也父蔭郴州知州歸老得危疾儼年十二潛割臂肉進之疾良已及父沒哀毀如成人後游學於外孀母寢疾儼妻鄧氏年十八奮曰吾婦人安知湯藥昔夫子以臂肉療吾舅吾獨不能療吾姑哉於是割脇肉以進姑疾亦愈儼聞母疾馳歸則無恙久矣拜其妻曰此吾分也當急名我何自苦如此妻曰子事父婦事姑一也方危急時名子何及且事必待子安用婦為儼益嘆異孀母沒二十年而生母沒儼廬墓三年嘉靖四年貢至京有司奏旌其門

明字廷直丹徒人正德八年舉於鄉授永豐知縣之官不攜妻子獨與一二童僕飯蔬豆羹以居久之吏民信服永豐俗刁訟尙鬼尤好併優侃禁止之進武定知州會清軍籍應發遺者至萬二千人侃曰武定戶口三萬是空半

州也力爭之又有議徙州境徒駭河者侃復言不宜駁民財填溝壑事竝得寢章聖皇太后葬承天諸內奄迫脅所過州縣吏索金錢宣言供張不辦者死州縣吏多逃侃置空棺旁舍中奄迫之急則給至棺所指而告之曰吾辦一死金錢不可得也諸奄皆愕眙去稍遷刑部主事卒初侃少時從丁幾學鄰女夜奔之拒弗納其父坐繫侃請代不得藉草寢地逾歲父獲宥乃止其操行貞潔蓋性成也

唐伯元字仁卿澄海人萬歷二年進士歷知萬年泰和二縣竝有惠政民生祠之遷南京戶部主事進郎中伯元受業永豐呂懷踐履篤實而深疾王守仁新說及守仁從祀文廟上疏爭之因請黜陸九淵而躋有若及周程張朱五子於十哲之列祀羅欽順章懋呂柟魏校呂懷蔡清羅洪先王艮於鄉疏方下部旋爲南京給事中鍾宇淳所駁伯

氏姓譜

卷十

七陽

唐氏

今

元謫海州判官屢遷尙寶司丞吏部尙書楊巍雅不喜守仁學心善伯元前疏用爲吏部員外郎歷考功文選郎中佐尙書孫丕揚澄清吏治苞苴不及其門秩滿推太常少卿未得命時吏部推補諸疏皆留中伯元言賢愚同滯朝野咨嗟由臣擬議不當所致乞賜罷斥帝不擇特允其去而諸疏仍留不下居二年甄別吏部諸郎帝識伯元名命改南京他部而伯元已前卒伯元清苦淡薄人所不堪甘之自如爲嶺海士大夫儀表

唐曾

字平侯瓊山人宏治十五年進士授戶部主事以憂

歸蜀瑾斥諸服除久不赴官者坐奪職瑾誅名用以母老不出嘉靖初起故官疏諫內官織造請爲宋死節臣趙與珞追謚立祠進員外郎遷廣西提學僉事令土官及峩蠻悉遣子入學擢金騰副使土酋莽信虐計禽之木邦孟養

構兵胄遣使宣諭木邦遂獻地屢遷廣西左布政使官畢
討古田賊久無功胄遣使撫之其魁曰是前唐使君令吾
子弟入學者卽解甲擢右副都御史巡撫南贛移山東遷
南京戶部右侍郎十五年改北部進左侍郎帝以安南久
不貢將致討郭勛復贊之詔遣錦衣官問狀中外嚴兵待
發胄上疏諫曰今日之事若欲其修貢而已兵不必用官
亦無容遣若欲討之則有不可者七請一一陳之錦衣武
人闇於大體倘稍枉是非之實致彼不服反足損威卽令
按問得情伐之不可不伐不可進退無據何以爲謀且今
嚴兵待發之詔初下而征求騷擾之害已形是憂不在外
夷而在邦域中矣請停遣勘官罷一切征調天下幸甚章
下兵部請從其議得旨待勘官還更議明年四月帝決計
征討侍郎潘珍兩廣總督潘旦巡按御史余光相繼諫皆

氏姓譜

卷八

七陽

唐氏

全

不納後遣毛伯温往卒撫降之郭勛爲祖英請配享胄疏
爭帝欲祀獻皇帝明堂配上帝胄力言不可帝大怒下詔
獄拷掠削籍歸遇赦復冠帶卒隆慶初贈右都御史胄耿
介孝友好學多著述立朝有執持爲嶺南人士之冠云

周龍

字虞佐蘭谿人受業於同縣章懋登正德三年進士

除剡城知縣禦大盜劉六數敗之加俸二等父喪服除徵
授御史出按雲南錢寧義父參將廬和坐罪當死寧爲奏
辯下鎮撫覆勘會遣官錄囚受寧屬欲出和爲龍所持卒
正其罪士官鳳朝明坐罪死革世職寧合滇人爲保舉而
矯旨許之龍抗疏爭寢其事再按江西疏趣張忠許泰班
師三司官從宸濠叛者猶居位龍名數之曰脅從罔治謂
凡民耳若輩讀書食祿何醜顏乃爾立收其印綬擢陝西
提學副使遷山西按察使名爲太僕卿嘉靖七年改右僉

都御史總督漕運兼巡撫鳳陽諸府奏罷淮西官馬種牛
罷壽州正陽關權稅通泰二州虛田租及漕卒船料民甚
德之名拜左副都御史歷吏部左右侍郎十一年陝西大
飢吉囊擁衆臨邊延綏告警詔進龍兵部尚書總制三邊
軍務兼理振濟齎帑金三十萬以行龍奏行救荒十四事
時吉囊居套中西抵賀蘭山限以黃河不得渡用牛皮爲
渾脫渡入山後俺答亦自豐州入套爲患龍用總兵官王
效梁震數敗敵屢被獎賚名爲刑部尚書大猾劉東山構
陷建昌侯張延齡興大獄延齡昭聖皇太后母弟帝所惡
也吏坐獄不窮竟去者數十人龍獨執正東山罪大禮大
獄及諸建言獲罪者廷臣屢請寬不能得會九廟成覃恩
龍錄上充軍應赦者百四十人率得宥所不原惟豐熙楊
慎等數人而已考尚書六年滿加太子少保以母老乞歸

氏姓譜

卷八

七陽

唐氏

全

侍養久之用薦起南京刑部尚書就改吏部兵部尚書戴
金罷名龍代之太廟成加太子太保尋代熊浹爲吏部尚
書龍有才居官著勞績及爲吏部每事咨僚佐年老多疾
輒爲所欺御史陳九德劾前選郎高簡罔上行私並論龍
衰暮乃下簡詔獄龍引疾未報吏科楊上林徐良輔復論
簡詔杖簡六十遣戍上林良輔以不早言罷職龍黜爲民
龍已有疾輿出國門卒後數年子修撰汝楫疏辯詔復其
官贈少保諡文襄

赤水人正德中以貢任潮陽縣丞清苦自勵人不敢
干以私因逐海寇中瘴癘引疾歸田食貧教子足不履市
者數十年

字仁夫融縣進士正德九年以光祿寺少卿請任武

岡州裁冗費甦民困凡政務大體卒於官

唐復 江南武進進士知零陵縣在任公平勤於撫字後爲平樂知府祀名宦

唐山 雲南人萬歷癸丑知零陵縣博雅有治才以清廉自持未幾丁內艱不能治裝左右或請曰某事一判發可得百金爲塗費山斗叱之曰是重於不孝也卒不允

唐詒 江南武進人嘉靖中知永州府仁厚簡易長育士類勸民以勤力作敦善行詩復不倦

唐修 四川渠縣人成化八年知江華縣廉謹有爲學校公署舖舍壇壝皆所修創祀名宦

唐純 一廣西興業人萬歷三十七年知耒陽縣時積寇爲虛汝修大創之民始獲安陳京兌之苦請行改折罷困頓甦

唐相 沅州衛人爲百戶父璟早沒相奉其母劉氏孝值母氏姓譜

卷八

七陽

唐氏

全

疾篤臥床相侍湯藥衣不解帶又撫弟遺孤減半俸養之
唐愈 字子充號萬陽沅陵人登嘉靖丙戌進士幼有大志聞王陽明之學往從之既歸充然有得修業桃溪山中初任寧海知縣士民德之後爲御史劾奸黨抗言時政以乞養歸祀鄉賢

唐正 字先誠沅陵人歲貢生御史愈賢孫也善詩文讀書雲盤山中結雲在亭以自怡崇正末父母妻子俱沒於賊子身寓北洛有室曰遯窩曰寄軒曰圓隱堂淒涼之思時發於詩歌後薙髮令下乃盡去其髮爲僧獨與沈汝林遊鄉人重之爲築室山頂曰南憇以終焉

唐堯 字二華武陵人天啟進士知高陽縣其地建魏忠賢生祠日奏樂上食紹堯下車禁之中官姪冉世魁與叔爭產相屠紹堯因籍其貲充餉忠賢積憾乃逮紹堯下獄

榜掠幾斃學

武選郎中累遷戶部侍郎

周之號汲菴 紹堯三子才思奔放寄籍廣西中鄉試巡按黃錫衮吏部瞿式耜見其五策嘆為奇才謂海內僅見特疏入告授翰林院庶吉士管制誥備顧問上六代中興戒法書奉勅入楚聯絡勳鎮何驕蛟等父喪守制遂痛哭祝髮以終

字存之 紹堯次子生而穎異一目十行俱下年十歲父觸魏璫誣賊三萬兩誠走吳粵闖廣泣懇同譜得解聯代贖乙亥拔貢第一壬子癸丑聯捷授中書舍人歷詹事府少詹乞情終養卒祀鄉賢

字觀海 萬歷間副榜以薦辟任光祿寺丞崇正癸未殉難於京

家貧力學 篤信尚義永樂初拜監察御史振舉憲度

氏姓譜

卷今

七陽

唐氏

高

字崑嶽 湘潭人早孤帶經而鋤成通儒天啟間歲飢盜作倡眾煮粥全活甚眾晚年結勝碧泉葺文定舊祠置田供祀繼母涂病痺以身翼行者三年不懈
醴陵人 正統進士歷官戶部侍郎兩署尚書事公勤廉慎參議四川督建昌邊餉修城建堡政績最著有土官爭地殺人暮夜以金賂震震却之捕置於法越雋民立祠祀之以參政歸

湘潭人 永樂時大飢禮率族千餘家出采穀萬石散給潭衡攸醴四縣之貧者詔建坊旌之曰唐氏義門

字汝陽 常德衛人父有養子鰥寡讓產與之以慰父志歲稔煮粥以啖飢者時穀騰貴里中素封競起射利昶為定價白於官卽身自倡始遠近戴之尤喜助人婚葬事以子鍊貴封御史有司有請謁者景逃匿村庄避之七舉

鄉飲不赴壽八十八無疾而逝

唐鍊字純之昶之子也武陵人嘉靖間進士知寶坻縣有守城功擢工部主事出董理梁洪鍊相水勢豫築鯉魚山缺口衝激勢漸衰捍防遂滅約省帑金萬餘以才改御史官至徐州兵備副使

唐世柱字孳元巴陵人少孤事母至孝萬歷舉人知濟寧州歲旱步禱雨立降增先賢仲氏祭田振興名教官終戶部員外郎

唐源錢塘人萬歷中知善化縣嘗條議開南湖港利舟舨通商禁夫馬私斂以甦民困歲當大水力請蠲賑全活萬計六年考滿以勞卒

唐選湘潭人萬歷中進士令江津值諸司符下以楊應龍叛飭令用兵選力持應龍不反狀弗聽已而兵連禍結逾

氏姓譜

卷八

七陽

唐氏

金

年始乎人咸服其遠識擢吏部郎故事銓曹無議外轉者選循例應主銓政恹然曰近事黜陟多失吾不能為人署紙尾力求外出補浙江按察使銓曹外轉自選始

唐斯盛湘潭人天性純粹事母孝謹母嘗以細過怒其下斯盛負杖膝行以進封意便解登萬歷中進士任蘇州司理以除惡忤當路改衢州教授捐俸置學田以養寒士累

官南京戶部郎

唐九德湘潭人嘉靖丙辰進士任新喻令廉斷有威擢戶部郎督臨清版稅除漳州副使值閩賊猖獗九德勒兵勦戢威惠大行備兵金衢參藩粵東運籌督戰多收奇績

唐一中字可權全州人崇正癸酉鄉薦專精古學從遊多名士讀書西山授鉅鹿教諭已卯寇攻城陷被執不屈死

邑人哀之

急銳率兵民固守力竭城陷死之寇平懷廟錄其忠贈按察僉事廕一子入監讀書

灌陽人萬歷乙卯鄉薦授富川教諭陞翰林待詔崇正初歷吏禮二部司務兵部武庫郎郎中轉永平知府甫下車見民居半燬村落邱墟極力撫綏民有起色九年秋永復困於兵公捐俸賑救全活者萬餘人會宦者高起潛督邊勢赫奕監司以下莫不賂行惟謹公獨長揖不屈大拂其意後叙功應優陞僅移山東蓋運使十二年正月濟南城陷公守西門死之巡撫王觀光上聞有旨優恤崇正十五年督學黃景明檄祀鄉賢

號宅揆全州人天啟甲子舉人賦性純孝初任雲南楚雄知縣監開銀礦一日可獲羨餘百金公峻卻之丁

氏姓譜

卷八

七陽

唐氏

庚

外艱服闋補善化縣時湖南重鎮雲集兵戈捨擻公撫字催科軍民安堵部院察其廉能擢監軍副使

平樂縣人萬歷乙酉解元丙戌進士官寧波府節推戊子分棧浙闈所拔皆知名士擢吏部主事典試粵東壬辰佐冢宰陸莊簡公御史萬國欽主政饒伸以國本建言忤旨奪官及歸囊無他物恐貽二親憂色養備至割腴產以贍異母弟時貂璫奉使至昭爭奪殊甚有司莫敢誰何公折以大義銜之以是終於林壑泰昌初奉旨起廢而公疾革矣贈光祿寺少卿

灌陽人登萬歷己酉賢書其父唐子繼仁德高隱鄉里推重公恂恂醇謹有古君子風歷官廣東提舉黃州郡丞屢薦薦獎陞建昌知府乞歸養親父九十歲卒公哀毀過甚沒於崇正十六年提學余朝相檄祀鄉賢孫象益

康熙丙午解元人以爲世德之報

唐世 灌陽人萬歷壬子舉人幼孤奉母以孝聞仕饒州通判改鳳門關以邊才受知督府題署代州三年實授知蘄州廉敏有吏才士民愛戴時流賊張獻忠犯楚江黃騷動公設立三關募敢死士守禦間發伏兵屢殲渠賊城賴以全在任八年卒民歌思之祀名宦崇正十五年督學黃景明檄祀鄉賢

唐光宇 會同人生而仁孝與其妻王氏事繼母甚得其歡心尤篤愛二仲以義行率其子弟博學論文濟貧解忿常三徙其居里人皆德之暮年養高白社周貧卹匱凡力不能償者悉焚其券明季兵亂殘屍滿目光宇購棺悉瘞埋之縣令表其門

唐廷際 字振東全州人嘉靖甲子舉人任石城知縣爲政

氏姓譜

卷今

七陽

唐氏

七

多仁居鄉行善惠及鄰境兄弟父子祖孫及曾孫以春秋登賢書凡十三人蟬聯勿替人以爲世德之報云

唐元殊 字同鄉臨桂人父淳貳汀州時元殊甫九歲過守署觀牡丹索筆賦之守以爲夙構命別賦立就數十言體裁特出守大異之正德丙子年十四鄉舉第一元殊任達不羈性喜飲飲數斗卽跳舞作狂態運筆藻思湧湧若有神好事者叩所作以俟酣乃漬墨投楮云里中任唐舊亦有詩名及見元殊作輒驚歎然元殊亦服唐互相推重

唐燮 字文煥全州人先人遺田四十畝供讀書子姪公曰讀書分內事何以田爲盡以賜宗族登成化甲午鄉榜授廣東番禺令時山賊發連年公至遣諭之盜悔禍境內遂安隣邑黃馬二家構訟十二年不決公白之考最入京道

卒

唐字用大興安人刻意力學試鄂省不利攜書遊西湖謁西疇列先生而請益焉丁亥中選授辰溪教諭時湖湘道阻舊立鹽鈔法官民病之朝乃條救弊之策上太府不用歸而授徒家塾乃彙括小學自幼至長次第爲訓蒙小詩五十餘篇每講學必先示以濂洛關閩粹論使之體認自得嘗析心字之義爲心法纂圖學者從之莫不知所趨向時鄂省移桂行省平章遂舉朝領桂林路教事未幾居父喪遂不復仕洪武初兵圍桂聞城破泣下數欷作五無吟以見意

唐全州人宣德乙卯舉人正統中知新寧時縣治燬於兵燹榮奏徙今治城池壇廟學校道路皆其創造百廢具興規畫咸當至今賴之

唐宏治間知東明縣才猷敏達發摘奸伏如神後擢兵部給事中

卷十

七陽

唐氏

全

唐南陽人誠信廉介終始不渝洪武初授兵馬指揮拜監察御史持節使者節參預戎機以政事著稱起拜福建右參政

唐字彥正歙縣人洪武中歷葉南陽二郡知縣時徵儒百出驛傳旁午吉祥處之裕如雖急遽中未嘗有厲色

唐永樂初知光州練達政體勤謹自勵治聲廣著

唐零陵人正統間由舉人任監察御史出按廣西有淫祠民云著赭衣過廟門皆降災隕卽着緋衣焚其像廬其廟邪慝竟息後擢按察使僉事

唐永樂初知瑞州府政尚簡靜民皆樂業郡人德之

唐候官人洪武中登進士授行人擢浙江按察僉事永樂中陞陝西按察副使卒泰善聲詩與黃濟輩號閩南十

才子所著有善鳴集

唐永樂初知星子縣剛介廉明時邑民少田多荒蕪冕
奏請名鄰府縣無產者入縣闢田得數百家撫恤得其所
唐湖廣左參政分守荆襄撫綏均房流民各得其心荆
湖大水挽舟載米濟之水退築堤民賴其利

唐臨桂人洪武間由訓導權知廣東河源縣未幾陞監
察御史以廉能著稱後爲國子監司業

唐瓊山人永樂甲申進士初授江西新建知縣未三年
陞按察司僉事左遷衢州府通判未幾以事去用大臣薦
爲監察御史致仕卒

唐振洪熙元年知滁州秋滿父老乞留陞授正五品仍治
州事正統初再任後以老請歸民思之不置云

唐欽人正德甲戌進士及第第一授翰林院修撰修武

氏姓譜

卷八十

七陽

唐氏

先

宗實錄成進侍講學士卒於官

唐欽縣人舉進士任平鄉知縣築河堤八十里擢福建
副使有勦賊功官至副都御史巡撫甘肅處吟密土魯番
各得效順以病乞歸卒於涼州

唐華亭人天順丁丑進士知合州興學勸農盜賊解散
後知福州發奸摘伏如神累官右副都御史巡撫兩廣南
蠻弗靖直擣嶠穴斬首萬計卒於官

唐常熟人舉鄉貢知葉縣劇賊劉六劉七擁衆壓境
天恩奪戰生擒百餘人戮之旣而援兵不至城破被執一
門死者六七人後贈光祿寺少卿廕其子

唐元亨洪武中知無爲州招士撫民教化有方深得人心
以課最陞太僕寺卿

唐鳳儀邵陽人事親恤族內行純備登正德戊辰進士授

行人拜監察御史出按蘇松浙江風裁凜然不避權勢擢
應天府丞進僉都御史巡撫四川上疏救荒止征勦擒獲
沙保振旅息兵蜀民大悅尋丁母憂以疾卒

唐忠 含山人天順中知密雲縣忠信愿慤不修邊幅爲政
以便民爲先民亦率於教化行俗美時以賢令著聞

歷代列女

唐廣道 仙女嚴州人既嫁得血疾夢道人與藥服而愈自
是與夫相離從師修道經謁何仙姑宋淳熙中每食飲若
有人喚者出門逢三仙人引至海邊跨大鰲躡波海因隨
遊名山仙人問曰汝欲超凡人聖耶留形住世耶棄骨成
仙耶對曰有母尚在願終養曰如是留形住世遂與一丹
吞之自是不米食後名入德壽宮封淑靜凝佛真人

唐夫人 中書侍郎崔遠之祖母也姑長孫夫人年高無齒
氏姓譜 **卷六** 七陽 唐氏 卒

唐夫人每旦拜於階下卽升堂乳其姑長孫夫人不粒食
數年而康寧一日疾病長幼咸集宣言無以報新婦恩願
新婦有子有孫皆得如新婦孝敬則崔氏之門安得不昌
大乎

唐丑 妹瓊山唐伯壽之女至正甲辰陳子璠寇乾寧丑妹
及從小妹被獲載舟中丑妹時年十八給賊曰乞釋我縛
永以相從賊信之解其縛急赴水死小妹乃得歸

唐貴 梅貴池人適同里朱姓姑與富商有私見而悅之以
金帛賄其姑誨之百端勿聽加箠楚勿聽繼以炮烙終不
聽乃以不孝訟於官通判某受商賂拷之幾死者數矣商
冀其改節復令姑保出之親黨勸婦訴實婦曰若爾妾之
名幸全如播姑之惡何夜易服自經後園梅樹下及旦姑
起且將撻之至園中乃知其死尸懸樹三日其顏如生

唐氏汝陽陳旺妻隨其夫以歌舞逐食四方正德三年秋旺攜妻及女環兒姪成兒至江夏九峯山有史聰者亦以僂僂爲業見婦女皆艷麗而旺且老因締旺至青山夜殺之明日聰獨返攜其婦女幼姪入武昌山吳王祠持利刃脅唐唐曰汝殺吾夫吾不能殺汝以復仇忍從汝亂耶遂遇害賊畏以蓆置荆棘中明日徙蓆衣圍賊又迫環兒臨以刃環兒哭且詈聲振林木賊亦殺之瘞糞壤中而去其年冬至賊被酒成兒潛出告官禽於葛成市伏誅

陳氏烈孝感諸生崇正十年從夫避難山砦賊哭至夫與子俱奔散陳獨行山谷問砦人曰非唐氏姬乎事迫矣可急入保陳問夫與子至未曰未也陳泣曰我煢煢一婦人靡因而至諸君雖憐而生我我何面目而安茲土耶夫存亡未知依人以生不貞棄夫之難不義失貞與義氏姓譜

卷八

七陽

唐氏

七

何以爲人吾其行也卒不入已賊至逼去不從大罵死

唐氏廣濟潘龍躍妻崇正十三年避賊靈果山賊至加刃龍躍頭索錢唐跪泣乞以身代夫不許女巽跪泣乞以身代夫不許唐知夫不免投於塘女從之賊愴然釋其夫

唐氏零陵人鄧希周妻也年二十四夫死誓不再適日事紡績以撫幼孤奉舅姑居哀制兼盡府縣以聞院道咸褒旌之

唐氏成化時零邑庠生王清妻也年二十九夫故遣子王寬甫入歲貧苦萬狀族豪百計侵虐唐以死誓紡績爲活撫孤成人守節五十六年時郡守周茂曾保舉獎勵

唐氏文學王堯龍繼室也爲新昌石坡公女敬事舅姑撫前婦遺男女如己出堯龍卒唐年二十生孩七月誓死無他舅姑病衣不解帶倦不就枕者經年日逐糟糠單衣耐

寒舅姑沒辛勤營喪具殮葬成禮有貴公子慕其賢欲娶之唐翦髮碎面以拒卒年七十歲

唐氏 庠生廖希韶妻也希韶沒氏年二十守節事姑尤孝謹毀容變服終身不歸縣令方文燭獎之

唐氏 奉化人嚴澣妻也夫應萬歷乙卯鄉試卒於武林遣孤宏慶方在腹氏安貧守志拮据自給延師教子以克有成卒年七十六

唐氏 夏質妻也年二十八質故家貧無子節操愈勵李君用妻因亂被兵擄氏罵不絕口兵以刃恐之氏引頸甘受而不屈兵怒殺之

唐氏 祁陽人曾爾柱妻也年二十四爾柱沒氏苦志育孤閱三十年邑合獎之

唐氏 桃源人彭祖眉妻也為叛將所執載至舟中欲逼之

唐氏 姓譜 卷八十一 七陽 唐氏 坐

氏紉曰此綠蘿崖卽妾祖墓願一拜之始從命舟泊岸唐整衣拜畢躍入江潭死

唐氏 龍陽人史贊舜妻也年二十一發居規範最嚴雖兵火播遷造次顛沛不妄與男子通一語

唐氏 陳鼎安妻也僑寓同知唐彤之孫女適邵陽陳鼎年二十七鼎卒子大章甫二歲誓不再適撫孤養姑孝慈兼至教大章應選貢為廣州司訓述唐就養及告歸湛甘泉題其傳時稱節孝云

唐氏 東安人喬祿妻年十九孀居杜門自守家貧紡績為活撫育兩孤中年皆不永又撫幼孫冰操益勵年七十終

唐氏 灌陽唐世燾女適庠生蔣維藻明末夫婦同被亂兵所擄行至拱橋上亂兵欲拉藻別去唐顧藻大呼曰吾不

卽死者以汝偕也今何往遂躍從江流藻亦從溺

唐氏 全州壬午舉人蔣極世妻也明季之變爲郝賊所掠當渡河賊抱氏馬上同渡氏奪刀自刎不受賊污時年三十

唐氏 全州蔣季選妻季選早卒唐孝事姑訓子獻奇成名仕新興知州兩廣部院旌其門曰冰操榮壽年八十三卒

唐氏 全州人蔣大韶妻也韶卒無子孝事舅姑誓不易志八十有五終

唐氏 臨桂人趙存質妻夫亡時氏年二十五姑老子幼氏養姑撫幼五十餘年守節不變成化十三年旌之

唐氏 邑廩生黃文絃妻文絃苦學致疾唐顛天露禱到股和粥以進救活三十年訓子成立壽八十有六

唐氏 號八妙真姑宣城人父壽五兄貞一元爲翰林承旨貞一死子安七幼姑方爲處女憐其孤遂不嫁留於家撫

氏姓譜 **卷八** 七陽 唐氏 全

安七安七長洪武時坐事戍嶺南貞姑遂主其室或媒嫁之俱不聽會赦安七歸真姑以壽終新陵唐氏族頗繁皆

安七後也實貞姑之力人以方趙氏嬰舊元唐氏諡之曰貞至今世世祀弗絕爲唐氏不祧之祖

唐氏 沅州生員胡從堯妻也子來縉方半歲年二十三堯故號泣水漿不入口者三日幾死數次苦節撫孤始嚙指

滴血杜絕鉛華事姑訓子四十餘年其子來縉庠廩有聲知州韓鳴鳳匾其堂曰慈節又知州孫光前題請旌表袁

惟慶作慈節堂記 **唐氏** 蕭紀妾年二十五夫故遺孤廷諱未及一歲唐誓守節撫立成家年八十二卒

唐氏 名妙堅吳縣人張成妻也生二子而成卒妙堅二十七指天誓曰飛鴻尚不再偶况於人耶遂不施膏沐日處

七指天誓曰飛鴻尚不再偶况於人耶遂不施膏沐日處

寒燈敗帷衆或憐之勸其改適輒涕泣以誓洪武七年年
五十七二子皆成立知府王興宗上其事褒獎真節
唐氏蘇州衛卒楊貴妻二十七而寡保孤三人守操嚴苦
逾三十六年正德中旌表之

唐氏興化人爲同知陸復廣妻兵亂挈家南走遇賊欲污
之唐顧姪曰汝叔正人也我可辱其名乎言訖投水死

唐氏光州人性烈葬父見塚不高自取裙裾包土以封人
以孝女稱今有孝女墓

唐氏上海人蔡倫妻也夫亡守志育二子式堅以成式娶
侯氏亦早卒始婦並以節著成化咸旌表之

氏姓譜

卷八

七陽

唐氏

齋

